

中華民國郵政特准掛號認爲新聞紙類

長沙吟草印刷局代印

中華民國六年五月一日至五日

第二十五册

88角

# 湖南政報



價目

- (一) 本報每月每份價洋八角
- (二) 外埠每月每份另加郵費二角
- (三) 零售每冊一角四分

湖南政報處發行

本報第二十四冊正誤表

財政	內務	目錄	門類	頁數	上層行數	下層行數	正誤
四	三	二	一	九			
一七	一六						
	二〇						
難	藥	具	署				
雖	樂	據	暑				

# 目錄

湖

南

報

命令

大總統指令

公電

去電一則

來電十三則

內務

省長公署呈

大總統知事劉應鏞到省滿年照章甄別由

省長公署呈

大總統據王代功等呈請代達謝忱等情仰

祈鈞鑒由

省長公署令財政廳

水警廳各知事頒發鴉片公約

即便查照辦理由

省長公署令瀏陽縣知事據譚心休等呈保全孤孀懇予立案

等情即便查照辦理由

省長公署令警察廳據左全孝等呈恢復湖南公會懇予立案

等情即便查核備案轉飭遵照由

省長公署令各官署及教育等會訂購蔡故上將遺墨由

省長公署令長沙等縣知事准交通部咨航泰輪船業經註冊

給照請飭屬保護等因即便遵照由

省長公署令通志處圖書館長沙等縣知事准內務部咨請搜探

治水圖籍限期送部等因即便遵照由

省長公署令沅陵縣知事准內務部咨該員應准改分湖南等

因即便知照由

省長公署令警察廳水警廳各縣知事准奉天省長公署咨據省會警察廳呈署長趙增秀携欵潛逃請飭屬協緝務獲歸案究辦

等因即便遵照辦理由

省長公署令益陽縣知事據呈警備隊現難裁減等情應予獎

案轉咨由

省長公署令衡陽縣知事取消縣議會由

省長公署令岳陽縣知事據呈裁減警隊情形准予彙案轉咨

由

省長公署令實業科科員劉輔宜據呈現補省議會議員應准

解職由

省長公署批一件

長沙縣地方自治情形調查冊

汝城縣地方自治情形調查冊

教育

省長公署咨教育部據財政廳呈核議公益工業學校請求展

還公欵一案擬具變通辦理等情請察照由

咨撥給等情請察核見覆由

省長公署咨教育部據省立甲種農業學校呈賣學生朱森雲

等四學年各科成績表請察核見覆由

省長公署函復留美監督五年冬季學款收支清冊暨收據業

省長公署咨教育部據常德縣知事呈賣縣立女子師範學校員生一覽表請察核備案由

省長公署咨教育部檢送桂陽等縣認購本年歷書冊數清單並解書價銀由

省長公署咨教育部據高等師範學校呈該校本科及專修科

學生行將畢業懇報部咨行各省查明所屬學校應須某科教員人數以便分別派往服務等情請查照由

省長公署咨教育部據岳陽縣知事呈賣縣立中學校員生一覽表暨週年概況報告書請查核見覆由

省長公署咨教育部據公立工業專門學校呈富驕官袒欵紳

校危急飭另委接辦等情即便遵令辦理由

省長公署令公立工業專門學校准教育部咨該校學生馬振

球應准更正備案仍飭各生認真補習等因即便知照由

省長公署令財政廳准農商部咨常德商會請將油商公益捐

由釐局代收一案應准備案等因即便轉飭遵照由

省長公署令沅陵縣知事據省立第二師範學校呈一級一班

學生樊經淮等首倡罷課違背學規業經開除學籍請飭追繳膳費等情即便查照辦理由

省長公署令瀏陽縣知事據呈判決劉秀夫等與李斌因學款

省長公署咨教育部據湘江道尹呈賣武岡縣立師範學校圖

表清冊請察核見覆由

省長公署咨督軍公署據省立第二甲種農業學校籌備員呈

芷江縣東關外教所坪營地適合於農事試驗場之用無轉

省長公署令財政廳據呈核議安化縣呈明籌捐興學一案准

湖

南

政

報

如所擬辦理卽便轉令遵照由

省長公署令未陽縣知事據呈縣立高小校轉學生一覽表暫准備案由

省長公署令培德女學校據呈請恢復津貼等情未便照准由省長公署令郴縣縣立師範學校據呈新班學生轉學困難情形應毋庸議仰仍遵照前令辦理由

省長公署令財政廳據呈核議長沙縣呈請抽收茶捐一案准如所擬辦理卽便轉令遵照由

省長公署令龍山縣知事發給第二師範學校丁班畢業生川

荆開畢業證明書由

省長公署批一件

## 實業

省長公署咨農商部關於植樹情形請查核備案由

省長公署咨駐日中國公使現派陳時臬赴日購辦製茶機械因便赴東京等處調查請轉知日本政府飭各機關接洽指

導由

省長公署咨省議會擬委蕭仲祁爲鑛局總理請議復施行由省長公署令衡陽道尹森林培秧局據大林區籌備員呈據

技術員呈調查衡山等縣林務情形卽便遵令辦理具報查

核由

省長公署令湘陰縣知事據省河義渡局呈晏春生等復奪去耕牛不許耕耘等情卽便嚴查究辦具報核奪由

省長公署令湘陰知事據劉馥芹等呈暴徒藐法擅掘垸堤等情卽便遵批辦理由

省長公署令財政廳據常德縣知事電呈補修東官堤借給之款懲飭常德銀行就近撥給等情卽便核飭遵照由

省長公署令湘礦運銷公司准湖北省長咨關於湘礦運銷事宜請逕咨湖北督軍公署協商辦理等因卽便知照由

省長公署令臨武嘉禾縣知事據財政廳呈復湘泰利通兩公司情形核與原呈所稱不符卽便知照由

省長公署令南縣知事據余芾蘭呈誘買強奪迫還等情卽便具復核奪由

省長公署令勸工場據警察廳呈該場長請遴派巡探駐場保護一節應照章繳費以便支配等情卽便知照由

省長公署令委朱樹欣查辦瑞岡仙礦案由

省長公署令勸工場場長兼任第二勸工場籌備員由

省長公署令財政廳據呈報湖南銀行整理瑞和公當情形應

準備案由

省長公署令水利分局據呈扦劃常德安鄉兩縣縣界情形卽

目錄

便連令辦理由

高等審判廳民庭公開及書面審理案件日時通告

財政

省長公署令製絲工場據呈請頒發鈐記廳准刊發由  
省長公署令沅江縣知事據呈請頒發商會鈐記呈件尙未收  
到即便查明具報由

省長公署令財政廳准財政部咨鈔送六年財政會議議決推

行國幣辦法即便照印轉飭所屬各徵收機關一體遵照辦

省長公署批六件

長沙關輸出物品報告表

司法

省長公署咨廣東督軍據江華縣知事呈該縣北石山地方被  
粵匪搶刦懇行轉飭連山縣知事及駐防軍隊協緝務總

解究等情請查照辦理由

省長公署令辰沅道尹據麻陽縣民張盛唐等呈該縣搶案疊

出知事緝捕不力即便澈查具覆仍轉令該知事勒緝匪盜

務獲究辦由

外交

省長公署令衡陽道尹據祁陽縣知事呈該縣大江邊一帶因  
患情形即便轉飭南路各知事一體協緝務獲究辦由

省長公署令芷江縣知事據呈覆王麟奮具控傳前知事濫權

違法一案仰再詳確查明呈候核奪由

省長公署令東安縣知事據呈盜犯唐方開畏罪脫逃自溺身

死等情即便連令辦理由

高等審判廳佈告一件

行國幣辦法即便照印轉飭所屬各徵收機關一體遵照辦

理由

省長公署令臨武縣知事據呈檢查印花酌處罰金等情嗣後

仍應照章辦理由

省長公署令各釐局將三四五年度第一第二兩結收數列表具

報其第三第四兩結收數屆期仍繼續造送由

種條格布疋呢線沿途稅釐由

財政廳令各釐局將三四五年度第一第二兩結收數列表具

報其第三第四兩結收數屆期仍繼續造送由

省長公署令交涉員各縣知事准部電關於德國商民教士移

居之限制即便遵照辦理由

# 命 令

訓

## 大總統令

陸軍總長段祺瑞呈稱多防鎮守使蕭良臣因病請免本職蕭良臣准免本職此令（四月二十一日）

任命唐啓莊爲察東鎮守使此令（四月二十一日）

審計院院長莊蘊寬呈請任命鈕錦麟爲協審官應照准此令（四月二十一日）

任命李如璋署綏遠全區警務處處長仍兼署綏遠警察廳廳長

此令（四月二十二日）

國會議決暫行各縣地方分庭組織法本大總統依約法第三十條公布之此令（四月二十二日）（暫行各縣地方分庭組織法見法律門）

特派王人文爲四川查辦使張習爲四川查辦副使此令（四月二十三日）

四川自軍興以來兵隊增加餉需支紓上年疊經部商暫署督軍

羅傑金酌定裁遣各軍辦法去後本年三月據川軍師長劉存厚周道剛鍾體道陳澤霈熊克武等電稱羅署督編遣軍隊支配餉械主客各軍顯分厚薄各情續據羅署督電稱劉存厚陳澤霈收束軍隊有意遲延正擬派員查辦聞卽據羅署督電稱劉存厚團

攻督署劉存厚則謂羅署督開砲攻擊所部並據各方電告省城連日槍砲猛烈人民生命財產損傷甚鉅著派王人文張習馳往澈查川民疊經兵禍瘡痍未復又遭此次重變本大總統實痛於心該查辦使務須秉公據實查覆勿得稍存偏徇在未經查復以前責成戴兼督嚴飭在省川滇各軍官長約束所部勿論如何不准再滋事端其省外各軍各有維持地方之責不准擅離防守倘敢違抗軍律具在政府無所偏倚卽決無所姑息所有此次被難商民並著該省長迅卽查明妥爲撫卹勿任失所此令（四月二十二日）

陸軍總長段祺瑞呈請任命劉景雲爲陸軍第六師步兵第二十二團第二營營長潘自涵爲第六師工兵第六營營長應照准此令（四月二十三日）

陸軍總長段祺瑞呈請授石春熹爲陸軍步兵中校高瑚璋吳文炳爲陸軍步兵少校韓堃鄒裕國吳鴻勳張世緒爲陸軍三等軍需正彭鍾靈陳奇樸爲陸軍三等軍醫正陳洪疇爲陸軍三等軍

法正應照准此令（四月二十三日）

陸軍總長段祺瑞呈准鎮紅旗滿洲都統定成咨請以恩興補參領慶魁補副參領端福補印務章京海贍補公中佐領應照准此令（四月二十三日）

京兆尹王達呈考覈縣知事敬舉循能勸懲獎勵等語正任順義

縣調署宛平縣知事湯銘鼐果毅深沈堪膺鉅著交國務院存

記署順義縣知事唐玉書勤政愛民循良之選正任霸縣知事唐

肯心精力果涉毅有爲正任香河縣調署昌平縣知事袁勵傑踐

履篤實撫字勤勞正任三河縣知事汪仁溥勤於職務治具畢張

署寶坻縣知事查美咸幹練勤明實心任事正任寶坻縣調署蔚

縣知事茹臨元學識俱優徵收得力均著給予五等嘉禾章正任

通縣知事李杜考成績達措置咸宜署香河縣知事翁之銓年富

才明盡心民事均著傳令嘉獎此令（四月二十三日）

前因川滇兩軍在成都省城衝突疊由院部電飭雙方停止爭鬪

茲據戴兼督電稱劉存厚於中央停止爭鬪之命置若罔聞仍攻

督署等語崇威將軍劉存厚著卽免職聽候查辦所有在省川滇

各軍責成該督嚴飭各該管官長卽日開拔出城分別駐紮懷

遵前令不得再滋事端倘仍延抗軍法具在定惟該管官長等是

問此令（四月二十四日）

何甲秦國達給予四等文虎章此令（四月二十四日）

准國會咨稱衆議院議員選舉法關於第五章選舉訴訟法律解

釋經本會議決解釋爲關於衆議院議員選舉法衆議院議員選

舉法之選舉訴訟不得援用普通上訴程序提起上訴等因合行

公布此令（四月二十五日）

前政事堂存記之韓兆瀛著發往河南國務院存記之陳文浩著

發往湖北劉汝霖著發往甘肅交各該省長酌量任用此令（四

月二十五日）

任命何鋒鈺爲暫設山東新軍訓練司令官此令（四月二十五

日）

山西省長孫發緒陝西省長李根源浙江省長齊耀珊湖南省長

譚延闔廣東省長朱慶瀾均著特別委任監督各該省司法行政

事務此令（四月二十四日）

綏遠都統蔣雁行察哈爾都統田中玉均著特別委任監督各該

管轄區域司法行政事務此令（四月二十四日）

參謀總長王士珍呈請任命趙鎮南爲常澧鎮守使署中校參謀

應照准此令（四月二十四日）

陸軍總長段祺瑞呈請授吳淮安幹忠劉開源爲陸軍步兵少校

應照准此令（四月二十四日）

町田經宇西川虎次郎森岡守成均給予二等嘉禾章此令（四

月二十四日）

何甲秦國達給予四等文虎章此令（四月二十四日）

准國會咨稱衆議院議員選舉法關於第五章選舉訴訟法律解

釋經本會議決解釋爲關於衆議院議員選舉法衆議院議員選

舉法之選舉訴訟不得援用普通上訴程序提起上訴等因合行

公布此令（四月二十五日）

前政事堂存記之韓兆瀛著發往河南國務院存記之陳文浩著

發往湖北劉汝霖著發往甘肅交各該省長酌量任用此令（四

月二十五日）

任命何鋒鈺爲暫設山東新軍訓練司令官此令（四月二十五

日）

參謀總長王士珍呈請辭職吳漢鏞想請辭職吳

漢鐸准免本職此令(四月二十五日)

任命王恩渥爲常澧鎮守使署參謀長此令(四月二十五日)

任命史秉直爲長寶鎮守使署參謀長此令(四月二十五日)

參謀總長王士珍呈請任命陶在和爲長寶鎮守使署中校參謀

王邦吉爲少校參謀應照准此令(四月二十五日)

海軍總長程璧光呈請任命杜錫珪爲海容艦長林永謨爲肇和  
艦長程耀垣爲海琛艦長楊樹莊爲通濟艦長方佑生爲飛鷹艦

長鄭袖怡爲楚豫艦長吳光宗爲同安艦長魏子浩爲永豐艦長

應照准此令(四月二十五日)

陸軍總長段祺瑞呈請任命趙宗貴爲陸軍第二十七師騎兵第

二十七團團附應照准此令(四月二十五日)

陸軍總長段祺瑞呈請任命趙恩臻爲陸軍第二十七師步兵第

一百五團第三營營長應照准此令(四月二十五日)

陸軍總長段祺瑞呈請任命侯國棟爲陸軍第七混成旅混成第

三團砲兵第一營營長應照准此令(四月二十五日)

財政部呈請任命鄭功耀爲兩淮臨興場知事錢振家試署中正

場知事應照准此令(四月二十五日)

特授劉人熙以勳五位此令(四月二十五日)

馬鍾綸給予三等文虎章洪中周文武給予四等文虎章此令(

四月二十五日)

任命楊壽相署財政次長此令(四月二十六日)

任命胡曜署貴州高等檢察廳檢察長此令(四月二十六日)

魏宗瀚柴得貴成慎蔚耀南授爲陸軍中將米材棟馬志敏丁香

玲時鼎岑加陸軍中將銜岳憲玉穆文善何恩溥楊恩培岳兆麟

盧師諦授爲陸軍少將齊振林王典型寇英傑周良才王麟慶董

明才張藻宸加陸軍少將銜此令(四月二十六日)

黃駕白開復陸軍砲兵上校原官洪兆麟開復陸軍步兵上校原

官此令(四月二十六日)

陸軍總長段祺瑞呈請授羅本義爲陸軍步兵中校應照准此令

(四月二十六日)

張紀給予三等嘉禾章劉棣芬張宗長蔣國經李致梁戴展誠閻

永陞楊承楨張宏銓均給予四等嘉禾章此令

傅良藻給予三等文虎章梁得勝鄭廣鎔王全勝劉鑑昭給予四

等文虎章此令(四月二十六日)

## ◎大總統指令

大總統指令第六百九十六號

令陸軍總長段祺瑞

呈准察哈爾都統田中玉咨請將多防改爲察東以資控制並

任免鎮守使由

呈悉唐啓堯等已有令任免多防鎮守使應准改爲察東鎮守使

命令(四月二十一日)

大總統指令第六百九十七號

令農商總長谷鍾秀

呈吉林山東等省咨報商會職員辦理著有成效彙案請給本

部獎章由

呈悉郝懋祥等准如所擬給獎此令(四月二十一日)

大總統指令第六百九十八號

令蒙藏院總裁貢桑諾爾布

呈請以塞崇阿補熱河殊像寺辦事副達喇嘛由

呈悉應予照准此令(四月二十一日)

大總統指令第六百九十九號

令國務總理段祺瑞

呈派員查明前四川將軍陳宦被參奏兩院提出查辦各款或

傳聞失實或事無佐證請核示由

呈悉既據派員查明該將軍被揭各款事無佐證應即免予置議

此令(四月二十二日)

大總統指令第七百號

令兼署內務總長范源廉

呈請設立綏遠全區警務處由

呈悉准如所擬設立李如璋已另有令任命矣此令(四月二十

二日)

大總統指令第七百一號

令兼署內務總長范源廉

呈福建省會警察廳勤務督察長徐春華因病辭職由  
呈悉徐春華應准免去勤務督察長本職此令(四月二十二日)

大總統指令第七百二號

令兼署內務總長范源廉

呈福建閩侯縣琯江警察分所長鄭冠南積勞病故照例擬卹

由

呈悉准如所擬卹此令(四月二十二日)

大總統指令第七百三號

令兼署內務總長范源廉

呈彙報特准免試縣知事胡大華等照章分省任用由

呈悉應准照章辦理此令(四月二十二日)

大總統指令第七百四號

令財政次長代理部務李思浩

呈報明派員胡大崇等代理本部參事司長等缺由

據呈已悉此令(四月二十二日)

大總統指令第七百五號

令陸軍總長段祺瑞

呈爲請銷吉林前陸軍第二十三師開辦費用款由

呈悉應准核銷此令(四月二十二日)

大總統指令第七百六號

令山東督軍兼署省長張懷芝

呈保人才請予存記由

呈悉洪祐徐朝桐齊徵均著交國務院存記此令(四月二十二

日)

大總統指令第七百七號

令陸軍總長段祺瑞

呈彙請補授陸軍官佐石春憲等實官由

呈悉石春憲等已有令明發王廷柱等准如所擬補官此令(四

月二十三日)

大總統指令第七百八號

令陸軍總長段祺瑞

呈彙報本年三月份補充初等軍職關崇德等各員繕單呈鑒

由

財政次長代理部務李思浩

呈核議綏遠歸綏等縣五年分秋禾被災懇請分別蠲緩銀糧

由

呈悉准予分別蠲緩卽由該部轉行遵照此令(四月二十四日)

大總統指令第七百十三號

令陸軍總長段祺瑞

呈核給獎敍四川軍署辦事勤能各員由

呈悉吳淮安何甲等已另有令分別授職給章鄧宗佑董用康李

湖

南

報

呈悉准如所擬給章此令(四月二十三日)

大總統指令第七百十號

令蒙藏院總裁貢桑諾爾布

呈請補熱河佈達拉廟喇嘛擬定正陪請圈定由

呈悉應以伊和巴雅爾補放此令(四月二十三日)

大總統指令第七百十一號

令兼署內務總長范源廉

財政次長代理部務李思浩

呈核議貴州修文縣五年分被災田畝懇請分別蠲緩正糧由

呈悉准予分別蠲緩卽由該部轉行遵照此令(四月二十四日)

大總統指令第七百十二號

令兼署內務總長范源廉

財政次長代理部務李思浩

呈核議綏遠歸綏等縣五年分秋禾被災懇請分別蠲緩銀糧

由

呈悉准予分別蠲緩卽由該部轉行遵照此令(四月二十四日)

大總統指令第七百十三號

令陸軍總長段祺瑞

呈核給獎敍四川軍署辦事勤能各員由

呈悉吳淮安何甲等已另有令分別授職給章鄧宗佑董用康李

仲通穆壽麌等均照給五等嘉禾章芳善路朝鑾著傳令嘉獎此

令(四月二十四日)

大總統指令第七百十四號

令陸軍總長段祺瑞

呈將官何立朝等積勞病故擬請從優晉級按中將階級給予

一次卹金由

呈悉准如所擬給卹此令(四月二十四日)

大總統指令第七百十五號  
令司法總長張耀曾

呈請委任省長監督司法行政並聲明省長監督範圍由

呈悉准如所擬辦理此令(四月二十四日)

大總統指令第七百十六號

令稅務處督辦孫寶琦

呈辦理禁煙人員暨宜渝水道勘察員等黃錫銓各員請分別

給章由

呈悉黃錫銓給予五等嘉禾章李端榮馮紹恩王瑞臨孫用林給予八等嘉禾章俞朝棨張培芷曾體豐林志澄張瑞春五員均如

所請分別給章此令(四月二十四日)

大總統指令第七百十七號

督廣東省長朱慶瀾

呈熟悉財政人員懇予擢用由

呈悉李恩藻屠文溥均著交國務院存記此令(四月二十四日)

大總統指令第七百十八號

令黑龍江督軍畢桂芳

呈保薦賢能擬懇准予謁見並請優加擢用由

呈悉齊耀琨准予謁見此令(四月二十四日)

大總統指令第七百十九號

令外交總長伍廷芳

呈法屬都尼司國君贈予陳宦榮譽大綬勳章應否准其收受

佩帶由

呈悉准其收受佩帶此令(四月二十五日)

大總統指令第七百二十號

令財政次長代理部務李思浩

呈東吐默特旗妙會寺喇嘛等諷經耀糧車畜稅捐擬請准予

免除並核定限制辦法由

呈悉應即照准此令(四月二十五日)

大總統指令第七百二十一號

令陸軍總長段祺瑞

呈請准銷松泥護軍使署建築廳廠及第四師購地修造操場

各用費由

呈悉准予支銷此令(四月二十五日)

大總統指令第七百二十二號

令陸軍總長段祺瑞

呈請暫設山東新軍訓練司令官並以何鋒鈺充任司令官由呈悉何鋒鈺已有令明發餘准如所擬辦理此令(四月二十五

日)

大總統指令第七百二十三號

令海軍總長程璧光

呈請補海軍初等軍官人員由

呈悉高鳳華等准予補官此令(四月二十五日)

大總統指令第七百二十四號

令河南省長田文烈

呈保公署掾屬王宗藩等十二員請以縣知事分發任用由呈悉王宗藩等應准均以薦任職分發任用交內務部查照此令

(四月二十五日)

大總統指令第七百二十五號

令兼署山東省長張懷芝

呈報民國五年分東省各縣秋禾確收分數由

呈悉交內務財政兩部查照此令(四月二十五日)

大總統指令第七百二十六號

令蒙藏院總裁貢桑諾爾布  
呈章嘉呼圖克圖現屆夏令例應出口避暑並清理廟務請給假五個月並准附挂車輛由

大總統指令第七百二十七號

令陸軍總長段祺瑞

呈核督辦兵工廠事務處出力人員擬請改給各等勳章由呈悉馬鍾綸等已有令明發李昌勳等准如所擬分別給章此令

(四月二十五日)

大總統指令第七百二十八號

令國務總理段祺瑞

呈爲核議給予湖南故員畢東藩卹金數目由

呈悉准如所擬給卹交內務部查照此令(四月二十六日)

大總統指令第七百二十九號

令國務總理段祺瑞

呈核議前湘西宣撫使熊希齡請獎救濟會辦事出力各員勳

章由

呈悉張紀等已另有令給章餘如所議辦理此令(四月二十六

大總統指令第七百三十號

令兼署內務總長范源廉

呈本部僉事照章敍等由

呈悉彭方傅准敍五等此令(四月二十六日)

大總統指令第七百三十一號

令陸軍總長段祺瑞

呈核第八師師長李長泰援案請獎赴川剿匪出力人員由  
呈悉傅良藻等已有令明發李壯飛等准如所擬分別給予勳獎  
各章此令(四月二十六日)

大總統指令第七百三十二號

令督辦全國煙酒事務鈕傳善

呈保薦人才唐柏森等以備任使由

呈悉唐柏森著交國務院存記並交該署酌量任用高宗舜黎邁  
蕭培芬均准以薦任職交該署酌量任用此令(四月二十六日)

大總統指令第七百三十三號

令江西省長戚揚

呈報縣知事黎廣潤等到省一年期滿照章甄別由

呈悉交內務部查照此令(四月二十六日)

大總統指令第七百三十四號

令江西省長戚揚

呈報分發縣知事袁紹倫等到省一年期滿照章甄別由

呈悉交內務部查照此令(四月二十六日)

大總統指令第七百三十五號

令察哈爾都統田中玉

呈分發咨調縣知事塞乃榮等到察一年期滿照章甄別任用

呈悉交內務部查照此令(四月二十六日)

由

呈悉交內務部查照此令(四月二十六日)

# 公電

湖

●岳州去電五月一日

岳州賀知事覽沁電悉該縣立中學校滋事學生四名既經開缺  
辦法尙合並應追繳歷年教育費以徵效尤其餘各生仰割切訓  
誠如違卽照章嚴處省長譚東印

●永明來電四月二十六日

長沙省長譚鈞鑒職縣外匪滋擾曾於去年十月以請領槍枝  
整頓團練等語呈奉令准在案現值桂邊辦理清鄉股匪內竄湘  
南收束軍隊防地多空民情洶懼警報時聞雖經知事相機剿辦  
無如東擊西馳兵退匪聚警隊既難加募防軍又不能多留匪衆  
兵單實難策應再四籌思非照前呈辦理別無良法應請轉電望  
鎮守便就近撥發快槍二百枝照原呈地點分配如此公家不費  
一餉地方可獲萬全數月以來點閱團丁已練有成效且皆疾首  
痛心恨如刺骨若假以利器實屬緩急可恃地方安危千鈞一髮  
立懇俯賜施行並候電示祇遵傳楷有印

●桃源來電四月二十六日

長沙省長鈞鑒彼電敬悉屬縣自治調查清冊現正趕造另文呈  
報桃源知事文瓊印有印

●洪江來電四月二十六日

長沙省長兼督軍鈞鑒縣屬粵匪滋擾前經呈報在案現在匪勢  
愈猖人心惶恐第二區軍隊僅到防一連當函請駐紮唇驅均防  
地空虛懇乞飭周司令火速派隊來縣墳防藉資鎮攝盼切施行  
綏寧知事張詩揚叩謹印

●西安來電四月二十七日

各省省長張家口承德歸化都統康定川邊鎮守使均鑒關於地  
方自治頃電內務部文曰前承電詢自治意見根源初履秦任地  
何取舍言之已詳則亦無庸詞贅惟是自治廢止三稔於茲自奉  
明令恢復深慰人民渴望咸盼旦夕頒行大部從事編查力求詳  
審期有善制以合國情用意甚盛竊謂中國幅員遼闊不獨各省  
區未能齊一一省之內往往政俗異宜交通之區不能比於邊遠  
富庶之城不能比於貧瘠完善之地不能比於破殘立法之初過  
求細密轉多窒礙不易推行似不若振其綱領疏其節目早爲頒  
布俾見施行因地因時制其所宜則利病得失皆可攷見然後斟  
酌損益以時改定自有良法出乎其間如廣東朱省長支電所云  
中央定其總綱細則讓之各省原則不能違反節目可以變通尤  
可免一切牽制之害無削足適履之病雲南唐兼省長養電所論  
宜採兩級制度亦屬不易之論但下級自治如未能完全成立則  
莫若將縣自治一級先行恢復徐圖推廣徵之直魯粵黑各省暨

都統來電大都同此主張陝中凋敝之餘望治尤切然亟恢復  
不但地方事宜廢而不舉卽官治亦無所補裨以利進行惟  
望大部早爲釐定以副民望倘一時未能頒定或就舊行章程加  
以增損先將縣自治組織成立以待新制頒布統候裁察等語敬  
以布聞仍希明教陝西省長李根源敬叩

● 沈州來電 四月二十七日

長沙省長政務廳長警務處長印花稅處長鈞鑒坐辦宥日到差  
蔡復菴叩

● 沈江來電 四月二十七日

長沙省長鈞鑒烟委裴甦學優而仕才德兼全禁煙雖嚴是非不  
混任事未及兩月收效已達九成合邑人民無不感頌特電上聞  
藉表政績況江商界李炳堃等同叩

● 北京來電 四月二十七日

各省督軍省長重慶熊鎮守使周師長順慶鍾師長瀘州趙道尹  
廣定殷鎮守使鈞鑒二十五日致羅前督軍電文曰成都羅前督  
軍鑒箇電悉以成都事變歸責於院部塞電之挑唆殊所不解查  
省城內閔延劉存厚所部中之一部分第四師雖經遣散並未反  
抗一三五師毫無變動謂爲激亂各師致釀事變任意牽混殊非  
事實至謂牽動各師長羣起反對則五師長反對執事編造不公  
一電係三月文日譯發與院部四月塞電更屬無涉塞電一再電

請云云實緣執事自上年十二月以來疊次請調劉存厚最後請  
派劉雲峯接替嗣請任陳澤需爲松懋鎮守使續又請撤任所請  
更換者實不止劉存厚一人川局糾紛政府兼權并顧已苦不遑  
何忍出以挑撥執事如有疑義不妨據理詳詢何至遽行通電賴  
倒是非總之川局至此院部處置惟有求正當公平之解決決不  
偏徇亦毫無姑息也等因特達以免誤會院部宥印

● 衡州來電 四月二十八日

長沙省長省議會議務總局鈞鑒水口山分局現存黑鉛砂七千  
二百二十餘噸白鉛砂四萬三千零八十餘噸全數出售能獲巨  
資嗣後黑白鉛砂每月可採獲三千數百噸就砂議價隨採隨銷  
亦可輸入現金聊紓湘困若拋築內之砂或成色本高將來故意  
挑剔減價收買損失無窮既訂合同他人裏足縱有資本誰肯爲  
敵上年爭鑄煞費苦心蘆斷獨登何堪設想且恐藉端求速假託  
改良支配工程干涉行政稍與爭執交涉橫生輩固債權變本加  
厲漢治萍覆轍言之心傷加以借款旣大拋砂必多鍊廠告成無  
砂可鍊吾湘前與禮和訂約條件亦甚優美四年份因大小合同  
價值較重自行違背延不收砂當時總局人員同深憤恨月數函  
詢藐不答復積函數十置若罔聞調閱卷宗情形洞悉雖有公理  
莫可如何幸天牖其衷發生歐戰不暇及此始允廢約殷鑒匪淺

分局職員羅仰煥黎書辰蕭大鈞陳澤阜潘振綱夏佐邦張炳臣等叩感

許一案遵卽前往澈查勘日查已除另文呈復外謹先電聞嘉禾縣禁煙坐辦徐權叩贊

湖

南

政

報

●北京來電四月二十八日

長沙督軍省長財政廳長鑒該省六年度預算歲出軍政各費前經本部電催限五日內送部現在限期已逾數月仍未造送萬難再延希卽將該省軍政各費詳細數目分晰款項先行電復以憑彙編仍將清冊陸續送部藉備參考財政部沁印

●鳳凰來電四月三十日


長沙省長鈞鑒知事月初會營下縣捕匪感受寒疾近益加劇懇迅委員接替以重職守而免貽悞麻陽知事田梓材叩沁印

●辰州來電四月三十日

長沙省長譚鈞鑒永經大亂十室九空匪患未平荒象已兆現因紙幣過低米價翔昂饑僅交至民命何堪非籌早加賑撫勢必日多流離除電撫綏處請將撫綏存辰省穀四千石發交下縣暫濟眉急外惟來日方長穀數有限仰懇鈞座諭念民艱加撥撫綏款一萬串飭由該處人員就近在常採米運永平驛拯此窮黎爲民泣陳伏求飭准綏靖鎮總兵謝重光永順知事田興奎暨各界代表雷懋德田鴻錫等同叩有印

●甯遠來電四月三十日

長沙譚省長鈞鑒徑日本號電查藍山張知事與何坐辦互相攻



# 內務

湖

南

政

報

## ●湖南省長公署呈 大總統

呈爲知事到省滿年照章甄別恭呈祈仰 鈞鑒事案據湖南財

政廳長袁家普呈據鑑務科事務員候補縣知事劉應鏞呈稱竊

應鏞以清廩貢生考入國立北京法政專門學校政治經濟本科

五年畢業應第四屆知事試驗及格錄分湖南任用於民國四年

十月領憑到省十一月考入政治研究所內課十二月月考第一

奉委本廳徵榷科科員五年八月奉調鑑務科事務員計到省在

一年以上照章應受甄別理合呈請考核准予轉呈省長鑒核施

行等情據此查縣知事甄別章程第三條內開到省甄別凡分發

任用之縣知事應自到省之日起扣滿一年由該長官認真考核

出具切實考語呈報 大總統分別照章補用等語該員在廳

任職早滿一年廳長留心考核實屬才學優長辦事勤慎似堪留

省補用等語到署經延闈考核無異堪以留省補用除再查應行

甄別人員分案呈報外理合將知事劉應鏞照章甄別緣由出考

恭呈伏乞 鈞鑒訓示施行謹呈(四月二十七日)

## ●湖南省長公署呈 大總統

呈爲代達謝忱恭呈仰祈 鈞鑒事竊延闈本年一月三十日准

國務院咨開奉 大總統發下已故國史館館長王闔運碑

文一道發交該原籍地方官刊立等因相應咨行轉發等因到署  
當卽令發湘潭縣知事敬謹刊立去後茲據該故館長孤哀子王

代功<sup>與懿</sup>等呈稱爲懇請代功等志切循陔悲深陟岵痛百

身之莫贖念一息之猶存先考國史館館長王闔運期頤未届館

舍遺捐蒙 大總統推古乘殊常之施逮重泉未寒之骨 恩

加冥漠感動愚頑讀 明令之江峯先生幽壤 命遺編之保守

惠及名山 福題垂祭酒之襄 聯語重傳經之譽 溢情嘉

許樹玄石以鐫碑 遷分哀思秉丹毫而制誄 知飾巾之有待

贈贈彌優 憫負土之無能賚頑相繼 飭有司而致奠桂醑三

陳激孤子以銜悲麻衣百叩凡茲稠疊之賜實非尋常所堪代功

等苦塊餘生敢言報 德詩書遺澤祇用酬 恩用特肅佈謝忱

伏乞據情代呈 大總統拊心知疚頹乎盡稽類之儀觀行懷

慚愧爾致設身之暮謹呈等情據此理合將照請代達謝忱緣由

恭呈仰祈 鈞鑒謹呈(四月二十八日)

## ●湖南省長公署令 水警廳 財政 各縣知事 三道道尹 各縣查緝

所坐辦 分所所長

案查海牙禁煙公會所訂鴉片公約前經通令查照辦理並飭刊

三

登本省政報在案上年軍事發生後禁令廢弛此項約章亦不免隨而放棄現值限期屆滿亟應嚴厲進行以免疏漏各國商輪及外國商店等如有秘密輸入或銷售此項生熟鴉片者仍應隨時查照此種公約妥爲辦理合再印發公約令仰該道尹督飭所屬廳轉飭所轄各廳轉飭各釐局知道事務辦公處所長專分署遵照卡一體遵照

區署一體遵照  
遵照

此令(四月二十七日)

海牙禁煙公會訂立鴉片公約(元年四月十二日)

第一章 生鴉片

(釋義)生鴉片由鴉粟花之子房內取出之汁自然凝結而成但略施人工以便包裝及載運

第一條 締約各國應頒布有效力之法律或章程以檢查生鴉片之出產及散布其已有法律或章程以規定本條所指事項者不在此例

第二條 締約各國各共視商務不同之情形應限定市區口岸及各地方由該處准將生鴉片輸出或輸入

第三條 締約各國應設立辦法如下(甲)阻止生鴉片運往

擬禁絕進口之國（乙）檢查生鴉片運往已限制輸入之國其已有辦法以規定本條所指事項者不在此例

第四條 締約各國應頒布章程凡裝生鴉片以備出口之包件均須標明其內容至每件重量當在五啓羅以上

第五條 締約各國應祇准由正當許可之人將生鴉片輸入及輸出

(釋義)熟鴉片由生鴉片原料特別製造而成如溶解如滾沸如煎熬如酸酵經次第加工煉成淨質可供吸食之用 熟鴉片並包括膏渣及煙灰在內

第六

第六條 總約各國應設立辦法以逐漸切實禁止熟鴉片之  
製造及國內之販賣並吸食惟仍以與各該國情形  
相宜爲準其已有辦法以規定本條所指事項者不  
在此例

**第七條** 締約各國應禁止熟鴉片之輸入及輸出惟各國中  
有尚未準備將熟鴉片之輸出立時禁止者務當從  
**萬葉社**

速禁小

**第八條** 締約各國如有尙未準備將熟鴉片之輸出立時禁  
止者(甲)應限定市區口岸及各地方准由該處收

熟鴉片輸出(乙)應禁止將熟鴉片運往現在已禁或將來當禁其輸入之國(丙)應先行嚴禁凡熟鴉片一概不得運往願限制進口之國惟按照該輸入國所定章程而運往者不在此例(丁)應設立辦法令裝運熟鴉片出口之包件均載有特別標記以註明內容之物(戊)應祇准由特別許可之人將熟鴉片輸出

### 第三章 藥料鴉片 嘴啡 高根等物

(釋義)藥料鴉片係將生鴉片煮至熟度六十生的格郎奪其內含嗎啡不減於百分之十或成粉屑或成丸粒或以中和性之材料摻合而成 嘴啡爲鴉片中之主要質料化學形式 高根爲哀里脫洛克西隆高加樹葉中之主要質料化學形式 安洛因爲第阿賽的爾嗎啡化學形式

第九條 締約各國應頒布法律或章程以施諸製藥業限制嗎啡高根及其化合質料之製造售賣使用但可供醫藥正當之需其已有法律或章程以規定本條所指事項者不在此例各國並應彼此協力以阻止此等藥物之供他用

第十條 締約各國應竭力檢查或令檢查所有製造輸入售

賣散布輸出嗎啡高根及其化合質料之一切人等並檢查此等人經營此等工商業之處所

爲此締約各國應竭力採用或令採用下開各辦法其已有辦法以規定本條所指事項者不在此例(甲)凡經准許之特別廠肆及地方其製造嗎啡高根及其化合質料應加限制或查明製造此等藥物之廠肆及地方造冊登記(乙)凡製造輸入售賣散布輸出嗎啡高根及其化合質料之一切人等須有特權或有准據方得爲此等事業或向該管官署稟明立案(丙)以上一切人等務須將嗎啡高根及其化合質料之製造數目輸入品售賣及其他授受品輸出品各立簿冊以備稽查但此項規則不強施於醫生藥方及官准藥商之售賣品

第十一條 締約各國應設立辦法以禁止在其本國商務中所有未經准許之人爲嗎啡高根及其化合質料之一切授受其已有辦法以規定本條所指事項者不在此例

第十二條 締約各國按照各該國特別情形應竭力將准許之人所有嗎啡高根及其化合質料之輸入並加限制

第十三條 締約各國應竭力採用或令採用各辦法凡嗎啡高根及其化合質料由此締約國本境領地殖民地租借地出口向他締約國本境領地殖民地租借地祇能運交照輸

第

二十

人國所定法律或章程而有特權或有准據之人爲此各政府可將有特權或有准據得輸入嗎啡高根及其化合質料之人開列名單隨時知照輸出國政府

第十四條 締約各國應施行嗎啡高根及其化合質料造輸入售賣輸出一切法律及章程（甲）施行於藥料鴉片（乙）施行於一切調藥品內含嗎啡千分之二 以 上或高根千分之一 以上（凡在藥鋪中及不在藥鋪中並所稱戒烟藥一併在內）（丙）施行於安洛因及其質料並內含安洛因千分之一 以上之調藥品（丁）施行於新出品之從嗎啡高根及其化合質料中取出者或其他從鴉片中取出之要質此等物爲科學所發明大概須經公認能傳播與鴉片相等之痼習並有同一之害人結果

## 第四章

第十五條 締約各國與中國有條約者應會同中政府設立必需之辦法以阻止在中國地方及各國之遠東殖民地各國在中國之租借地將生熟鴉片嗎啡高根及其化合質料並本約第十四條所指各物私運進口一面由中政府設立相同之辦法 禁止將鴉片及以上所指各物從中國私行運往各國殖民地租借地

第十六條 中政府應訂頒製藥律以施諸本國人民將嗎啡高根及其化合質料並本約第十四條所指各物之售賣散布一概取締並將此項製藥律通知與中國有條約之各政府由駐京公使轉達凡締約各國與中國有條約者應研究此項製藥律如以爲可允即設立必需之辦法使此律實行於在中國之各該國人民

第十七條 締約各國與中國之有條約者應從事於採用必需之辦法以限制及檢查在中國之各國租借地殖民地及租界內吸食鴉片之習並與中政府同時進行以禁絕現在尚有之烟館及與煙館相類之所其公衆娛樂處及娼寮內禁止吸食鴉片

第十八條 締約各國與中國之有條約者應設立切實辦法與中政府所設立辦法同時進行務令在中國之各國租借地殖民地及租界內現在尚有之售賣生熟鴉片烟店逐漸減少並採用有效力之辦法以限制及檢查在租借地殖民地租界內之零碎鴉片商業其已有辦法以規定本條所指事項者不在此例

第十九條 締約各國在中國設有郵政局者應採用有效力之辦法以禁止各該郵政局將生熟鴉片嗎啡高根及其化 合質料並本約第十四條所指各物作爲便包件違禁運入

中國並不得由中國此埠向彼埠違禁轉遞

## 第五章

第二十條 締約各國應酌度情形以頒布法律或章程使違禁私有生鴉片熟鴉片嗎啡高根及其化合質料者當受懲罰其已有法律或章程以規定本條所指事項者不在此例

第二十一條 締約各國應彼此互相通告而由和蘭外務部轉達者如下（甲）現有行政法律及章程之明文關於本約所指事項者或因本約各條款而頒布者（乙）統計報告關於生鴉片熟鴉片嗎啡高根及其化合質料並本約所指各種藥物或其質料或調藥品之商務者此項統計務當詳細並以迅速為宜

## 第六章 結款

第二十二條 此次未與會各國均得將本約畫押為此和蘭政府應自本約經與會各國全權大臣畫押後即時請歐美各國之未與會者如阿根廷共和國 奧匈 比利時

維亞 瑞典 瑞士 土耳其 烏拉圭 委內瑞拉合衆國各派代表一員給予全權文據以便在海牙將本約畫押本約由上列各國畫押係用一（未與會各國畫押文件）加於與會各國畫押之後並載明每次畫押日期和蘭政府按月將每次加入畫押知照畫押各國

第二十三條 各國為其本國並為其領地殖民地保護國租借地均經將本約或上條所指加入文件畫押以後和蘭政府請各國將本約及此文件批准倘至一千九百十二年十二月三十一號所請各國未能一律畫押和蘭政府即於是日請畫押各國派代表員赴海牙以便研究方法仍將各該國批准書送交批准書務當從速辦就送交海牙外務部和蘭政府按月將是月內所收批准書知照畫押各國畫押各國為其本國並為其殖民地領地保護國租借地所有批准書經和蘭政府收齊後和蘭政府即將收到最後批准書日期知照已將本約批准之各國

第二十四條 本約從上條末節所指和蘭政府照會中聲明之日起三個月以後為實行之期關於本約所指明之法律章程及其他辦法應將各草案編定至遲不得過本約實行後六個月至法律由各政府交其議院或立法部亦在六個月期限之內即有他故亦當在此期限滿後第一次開會

之時此項法律章程及辦法之實行以何日爲始應由締約各國據和蘭政府所請彼此協商決定倘有關於本約之批准或關於本約及本約所指法律章程辦法之實行而生出之各問題若無他項方法以解決之當由和蘭政府請締約各國派代表員在海牙聚會俾將各問題即時公同議妥

長才葛方謹劉作霖張聲煥楊炳向振翔等呈爲保全孤孀怨子立案等情前來除批呈悉仰候令行濟陽縣查明實情依法保護可也此批掛發外合行鈔發原呈令仰該知事查照辦理此令

(四月二十六日)

### 附原呈

第二十五條 倘有締約各國中之一國願意出約應備出約文件知照和蘭政府該政府即時將此出約文件抄錄校證之後照送各國並聲明收到日期凡一國知照出約須從和蘭政府收到文件之日起一年以後方有效力各國全權大臣在本約上畫押以昭信守一千九百十二年正月二十三號訂於海牙正本一分留存於和蘭政府檔案中另備鈔稿經校證後由外交官送交與會各國

凡關於法屬保護國得將批准及出約事宜或行分別辦理各國全權大臣畫押未錄

一千九百十二年正月廿三號本會議定條約明文於海牙  
中華民國六年三月湖南省長公署照印

### ●湖南省長公署令瀏陽縣知事

案據譚心休鄒永成胡興武曾傑王道周正羣李治黎意達楊時霖李錦王延祉羅邁吳作霖劉重謝介僧龍璋羅良幹廖湘雲唐  
麟龍養源黃石階王猷龍天錫陳圖南周廷幹劉岳峙李達武李

呈爲保全孤孀怨子立案事繙以心休等與前故都督焦君達峯同事多年惟是焦君爲國捐軀僅遺孀婦沈氏悲峯獨守空房孤無所出實令人悲痛難已幸喜達峯之同胞弟達人初舉一男名傳統當經峯之祖父本才命其出撫爲嗣俾沈氏母子有依而心休等贊成其事此大義所當然也比蒙大總統獎洋一千五百圓暨陸軍部按年給予卹金八百圓該沈氏之全節撫孤足可敷用詎峯之父顯音後娶閻氏者涎視其卹歟謂現繼達峯之子傳統爲非親屬迫音令達人廢繼以爲將來已所育之達梯達峯生子襲產地步然達人雖屬出繼本才次子顯名實與達峯爲同母兄弟本才命以其子傳統出爲峯後實屬地義天經音妻閻氏竟敢施此陰謀誠出人意外心休等對於本才所表撫繼情由自應維持爰與同人等商妥呈請省長准將達人之子傳統後峯一節迅予立案轉飭瀏陽縣知事保護並將達峰前後所得卹歟概歸沈氏悲峯管理庶使孤孀兩全曷勝瞻感此呈

## ●湖南省長公署令警察廳

案據左全孝等呈稱恢復湖南公會懇予立案等情到署除批呈

件均悉查該會宗旨純正自創辦後並無流弊發生此次集合同人共謀恢復具見熱心所擬簡章亦尚妥洽惟事關警察管轄範圍應候令行該警廳查核備案此批等因掛發外合亟檢同副呈並原費簡章令仰該廳長查核備案轉飭遵照此令（四月二十六日）

## ●湖南省長公署令各官署

案據中華書局局長陸費達呈稱爲呈送蔡故上將遺墨樣張懇請提倡飭屬訂購以表偉功而惠遺族事竊蔡松坡上將學問道德冠絕時流再造共和積勞殞命起義之際運兵籌餉軍書旁午親自操翰爲畢生精力所蒼萃茲由梁任公先生檢具當時遺墨將所有版權屬諸本局計自四年十二月赴滇起至五年九月離蜀止凡函稿四電稿一百零三用上等連史紙攝影印行與原稿不差累黍出版之前先售預約預約價每部一圓五角所有售出餘利全數撥作上將諸孤教養等費匪特英靈所聚永炳寰區卽明德後人亦得藉茲沾溉現准七月底出版理合檢具樣張四十分呈請鑒核提倡并通飭所屬一體訂購實爲德使謹呈等情據此令就令行該 遵照轉飭訂購是爲至要此令（四月二十八日）

湖

南

政

報

## ●湖南省長公署令

長沙  
岳陽

湘陰縣知事

案准 交通部咨開據江漢關監督呈稱據和濟輪船局經理彭夢傅稟稱購置航泰輪船一艘遵章將各項應報事宜列表繪圖檢同舊照並繳冊照費請註冊換照等情理合將審到表圖舊照連同冊照費呈請鑒核等語前來查該輪行驶航線起漢口訖長沙經過寶塔洲新堤岳州湘陰等處除由本部塗銷舊照另註新冊填就執照一紙發交該監督轉給承領暨訓令長岳兩關監督查照並分咨外相應咨請貴省長查照分令各該屬保護至敝公誼等因准此爲此令仰該知事卽便遵照隨時保護毋任發生阻礙以維航業此令（四月二十六日）

## ●湖南省長公署令

水利分局 長沙  
通志處 湘陰  
圖書館 岳陽  
臨湘  
華容  
南縣

各知事

沅江  
澧縣  
安鄉  
益陽  
臨澧  
湘潭

案准 內務部咨開查治河防海備載水經築堤修堤並詳史乘漢唐以後代有傳書元明之間尤多故蹟惟是滄桑屢易浩劫頻經官府皮藏既多散佚私家著述亦漸淪亡雖故河略改泥古難報歲屢鉅帑民苦離居護堤防堤舊法難期久遠因督築櫓新工

詎易堅牢自宜參用中西冀紓昏墊溝通新舊俾澣沉災茲由本部組織全國河務研究會召集技術專家及舊時熟悉河務人員安慎籌維悉心討論溯遺規於神禹採治法於歐邦窮究源流共畫宣防之策力籌疏塞亟為根本之圖顧閉門造車馳驅靡易削足適履行止彌艱屏澤防川未可拘於成見集思廣益實有賴於周諮為此旁搜載籍博採羣言所有各省歷年辦理險工紀志以及耆宿時賢關於所著治水論說無論片羽碎金均請轉飭廣為徵集其現任河務人員本諸實驗有所條陳者並准直呈本部以資採擇至此項圖籍即希於文到一月內迅速報部庶期窮源竟委考究精詳並願兼籌推行盡利田疇作乂蒸民蒙乃粒之麻河安瀾衆庶免其魚之嘆除分行外相應咨行貴省長查照辦理等因准此除咨復並分令外合行令仰該

局長  
處長  
館長即便遵照廣為徵

知事劉蔭榕留湘任用以資熟手等因前來查分發奉天任用縣集博採羣言務於限內先行呈費來署以憑彙咨毋延此令（四月二十六日）

### ●湖南省長公署令沅陵縣知事劉蔭榕

案准 內務部咨開為咨復事案准咨開查現署沅陵縣知事劉蔭榕係直隸鹽山縣籍第四屆保薦免試分發奉天任用縣知事上年措貲來湘經本省長考查才具優長於五年十月二十四日令委試署沅陵縣知事該員自到任以來對於地方庶政尙能勤

冊

五

十

求治理因應咸宜自未便遽易生手咨請查照咨行奉天准將該知事劉蔭榕既准咨請招湘任用應准改分湖南除咨奉天省長外相應咨復貴省長查照此咨等因到署合就令行該知事即使知照此令（四月二十七日）

### ●湖南省長公署令

警察廳

各知事

案准 奉天省長公署咨開案據省會警察廳呈稱署長趙增秀交代未清攜款潛逃仰請鑒核通緝以重公欵事本年三月三十日午後八點鐘西關商號泰山玉被賊行搶拒傷懷夥携贓逃逸該管署署長趙增秀帶警追捕臨事倉皇以致巡警並未見賊率行開槍驚擾全城職廳當因該署長素日防務本卽懈弛而臨事又失於詰誠殊屬疏忽卽予免職詎該署長交代未清卽將經手代收之電燈各費約計小洋一千四百七十餘圓携捲潛逃查該署長趙增秀又名振莊係直隸宛平縣人年三十六歲身高膀長面黃而瘦此次攜款潛逃諒必出省除咨請京師警察廳查封該逃員家產暨通令所屬一體嚴緝外理合具文呈報鑒核通緝施行等情前來除指令並分咨外相應咨請貴公署煩卽令屬協緝務獲歸案究辦良紹公誼等因到署除備案並分飭外合諒令仰該廳轉令所轄各區署專分署一體協擊（四月二十七日）

知事一體協擊

湖

南

政

報

## ●湖南省長公署令益陽縣知事

呈復警備處現在變難裁減及將來減少數目由

悉據稱該縣警隊現難裁減並擬將來酌量減少等情既據準  
諸地方狀況並願兼籌應予獎案轉咨仰卽知照此令（四月二  
十八日）

## ●湖南省長公署令衡陽縣知事

呈縣議會應否成立請核示由

據呈已悉查召集縣議會一案前准 省議會函請通飭召集業  
經本公署電請 國務院 內務部核示迭准覆稱各縣自治機  
關經國務會議議決緩議電達至署當經咨覆省議會並登載政  
報公佈飭遵在案嗣又據各屬先後呈請召集臨時縣議會前來  
本公署均未准行既值統一時期該縣會未奉明令自由召集已  
屬不合又復推舉人員常川駐會坐靡鉅款尤爲無此辦法仰卽  
迅將此項機關取消並應將從前所有各項用款切實稽核以重  
公款而尊法制切切此令（四月二十八日）

## ●湖南省長公署令岳陽縣知事

呈復遵令裁減警隊情形由

悉據稱分別裁留警隊情形尙無不合之處准予獎案轉咨仰  
卽知照此令（四月二十八日）

## ●湖南省長公署令資陽縣科科員

宜

（甲）呈明現補省議會議員請解去本職由

摺呈閱悉既經遞補省議會議員自應准予解職仰卽知照令此  
呈前永順知事曾鏡心重徵國稅肥私殃民一案請令交法院

## ●湖南省長公署批永順吳人傑等

呈前永順知事曾鏡心重徵國稅肥私殃民一案請令交法院

訊辦由

據呈已悉查民國三年十月該縣民控前知事曾鏡心重徵暴斂  
各情業經前巡按使飭辰沅道查明並無苛徵情事應准免議在  
案事閱兩年有奇爾等又以該前知事重徵國稅具控冀翻前案  
殊屬不合所請未便照准此批（四月二十六日）

## ●湖南長沙縣地方自治情形調查冊

長沙地方自治目次

第一期

（甲）地方原有公益事業之辦理情形

（子）學務

（丑）道路橋

（寅）農林

（卯）善舉

（辰）衛生

（乙）公款公產之管

第二期

十

(四) 農會之組織

(三) 慈善事業

(二) 游民習藝所

(肆) 衛生事業

(一) 戒煙

(二) 放足

(乙) 經費之籌集方法及其成數

(一) 錢糧平餘陋規

(二) 公益捐

(三) 屠捐

(四) 中捐

(五) 公款公產

(六) 雜捐

第三期

(甲) 自治事業之停頓

(一) 鉅款解部

(二) 款產發還

(三) 停頓時之現象

(乙) 自治事業之繼續

(子) 教育事業

第十二冊

- (甲) 自治事業之因革興廢
- (子) 因者數事
- (一) 道路橋梁之修築
- (二) 善舉中之積穀育嬰恤嫠施衣放粥等事
- (三) 衛生中之施醫藥及送診等事
- (四) 農林中之禁山會規
- (丑) 革者數事
- (一) 私墮
- (二) 寺廟
- (寅) 與者數事
- (壹) 教育事業
- (二) 初等小學之發達
- (二) 女子職業學校之發達
- (三) 師資之養成
- (四) 風氣之頓開
- (貳) 農林事業
- (一) 苗圃之進行
- (二) 保護之方法
- (三) 民荒之禦闢

# 湖南政報

- (一) 校數之漸加
  - (二) 教務之整頓
  - (三) 機關之主持
  - (四) 現狀之危險
  - (五) 農林事業
    - (一) 立林務所
    - (二) 調查荒土
    - (三) 分發樹秧
    - (四) 設立苗圃
    - (五) 開辦桑園
    - (六) 保護方法
    - (七) 組織農會
  - (寅) 衛生事業
    - (一) 醫藥局
    - (二) 清潔道路
    - (三) 禁煙
    - (四) 放足
  - (卯) 交通事業
    - (一) 道路
    - (二) 津梁
- 
- (辰) 慈善事業
    - (一) 積穀
    - (二) 育嬰
    - (三) 貧民工廠
    - (四) 懷孕保節
    - (五) 施衣放粥
  - (巳) 自治經費之保存移撥
    - (一) 屠捐
    - (二) 中捐
    - (三) 公款公產
    - (四) 雜捐
  - (午) 自治先後情形利害得失之比較
    - (一) 第一期都團時代
    - (二) 第二期自治成立時代
    - (三) 第三期自治停止時代
    - (戊) 以後舉行自治之芻議
      - (一) 選舉名額務求其少
      - (二) 自治區域務求其小
  - (未) 長沙地方自治事實

第一期

## 地方原有公益事業之辦理情形

學務 其時長善兩縣初等小學或由省政府主持或由縣勸學所主持亦有由私人捐貲辦理或由都團以公款公產辦理由一姓以祠租辦理者綜計校數不滿一百

道路 修繕道路建築橋梁之事向由二三士紳發起立有捐簿持向各紳富勸募亦有由一人出資修建者竣工之後資款有贏餘時則儲積生息置產即以每年所入爲歲修費用屬縣有所謂橋公等項名目其由來如此

農林 鄉間各團多有禁山會擬具條規稟請官廳立案嚴禁燒山及偷竊樹木等事另有竹木團以其所入購買樹秧分發各花戶栽種又有禾秧團專禁秋收時割取禾秧之事以上事項禁山會爲多禾秧團最少竹木團更少

善舉 長善兩縣各分十都都下有團總計六百餘各團皆有積穀以備荒其穀數一團多至千餘石少或數百石數十石不等每歲春夏之交放借境內各戶秋穫時收穀歸倉其取息或一斗或一斗五升或二斗又有育嬰穀專育貧家之女孩則一團有或一團無總

計屬縣育嬰穀數較積穀減少十倍至保節恤嫠等事除由官辦者不計外有由族祠提出租穀若干賑恤該族嫠婦者至施衣放粥等事則有二三慈善家於歲寒歲荒時舉行之

衛生 省城有同仁小補堂送診局積善小補堂慈善堂盛暑或施丸藥亦有經年累月延聘醫生常川住堂診脈施藥其經費大都富紳巨賈集腋而成間有由公家附捐貲助者

公款公產之管理方法 積穀育嬰穀等團總或倉長主之橋公義渡公則多由原捐紳戶輪管竹木團禁山會公款則由該團該會舉人輪管寺廟款產則另有董事主持其管理之方法都團紳董擬具條規稟官立案然或積累而日見其增或侵蝕而日見其損甚或有其名而無其實則不在方法之有異而在管理之能否得人

善舉中之積穀育嬰血斬施衣放粥等事

衛生中之施醫藥及送診等事

農林中之禁山會規

革者數事

私塾 長沙城鎮鄉向有不通文理之人苟無復之乃借課讀以糊口其所教之書爲三字經幼學等皆非兒童所能了解且或與國民教育之旨趣相違民國元二年長沙城鎮鄉之教育極爲發達乃於此項私塾屢行取緝督促改良

寺廟 寺廟房屋半爲校舍其款產半提爲學款

興者數事

教育事業

(一)初等小學之發達 民國二年長沙城鎮鄉初等小學公立者有七百七十八校私立者有二百九十五校總共爲一千零七十三校而原有之官立初等小學校尙不在此列

(二)女子職業學校之發達 長沙城鎮鄉共十九區此項學校每區一所共十九所

(三)師資之養成 前清之末長沙學堂附設師範講習所二班長沙縣教育會亦辦有單級練習所同時善化

亦辦有速成師範民國成立長善合併乃新設長沙師範計講習科四班本科四班又其時長沙教育會辦小學教員養成所由教育會會長主持長沙縣知事公署亦辦小學教員養成所由教育科科長主持十八鎮鄉亦均辦寒暑假講習會當時師資雖未能遽言深造然以首善之區舊有根基之人本較他處爲多頗能收事半功倍之效

(四)風氣之頓開 民國成立百度更新守舊者相率引避城鎮鄉自治職員大要偏於維新一方面者居多加以當時所辦之講習科養成所研究會多至千餘人少亦數百一切未受學校教育之人亦得以收新知識且移化其反對新學之心又其時官廳對於初等小學校獎勵之法公立私立並不歧視縣屬所有族祠及其他私園樂其負擔之輕兼獲興學之譽並得藉以保全其固有之款產房屋有此數因固不必深知教育之益者亦競言興學風氣之頓開非偶然也

農林事業

(一)苗圃之進行 民國二年知事於縣治磨子塘地方辦森林苗圃一起育木苗數十種並頒布獎勵自辦森林苗圃暫行章程其獎勵方法以繁殖樹秧俾造森林

第

二

十

五

冊

以供建屋造船造橋造路及製造各種器具之用者爲一等（如赤松黑松扁柏落葉松柏楊櫟樟槐櫟櫟楠杉梓之類）以供燃油取蠟飼蠶造紙染色髹漆之用者爲二等（如桐茶檜漆湖桑橡楮櫟栗之類）以供口食品之用者爲三等（如桃李梅杏橘柚棗栗梨柿之類）以供薪柴之用者爲四等（如橙櫻麻栗之類）

（二）保護之方法 除舊有禁山會仍督促舉行外並

由知事另訂保護規則嚴禁伐山放火偷窺踐踏等項交由鎮鄉警察執行至虫傷等事則於講演出書報時詳述祛除之法

（三）民荒之墾闢 長沙各鎮鄉官荒絕少民荒之由來則一因公有一因訴訟一因東佃三者之中尤以東佃關係爲最甚蓋東主擁其地畝租課而外無所營求佃戶治其田疇未知明年又在何處以故公私產業無山不童遠近鄉隅有土多曠知事於民國二年九月三十

日頒布民荒墾闢暫行章程共九條於地主佃戶相反

之權利義務極爲詳密務勿令其荒曠而於一姓之荒山則令該管公人提出公款墾闢衆姓之荒山則令其

共有權者一律合資墾闢並每年由縣署特派調查巡

行一次如遇勤農犁荒確著成效者特加獎勵倘有因循玩怠得分別處罰

（四）農會之組織 時縣屬及各鎮鄉農會均次第成立慈善事業 除舊有之積穀育嬰等仍照前有祇加整理外其從新舉行者列左

（二）游民習藝所 以舊有之長城隍廟李真人廟爲所址重加改造共房屋百餘間用銀一萬一千餘金業已竣工

衛生事業 除舊有之施藥送診等事仍由城區士紳及

慈善家繼續舉行外當時極力進行者尚有二事

（二）戒煙 時湖南民政司設有禁煙總公所長沙市鎮均有禁烟委員各自治團體對於烟禁奉行極力長沙之洋煙此時將近禁絕

（二）放足 惟時官廳提倡於上各自治機關勸導於下婦女放足之風於斯爲盛

經費之籌集方法及其成數

（一）錢糧之平餘陋規 長沙正供銀兩舊例每兩申成湘平銀二兩四錢以一兩六錢解部以八錢歸之官吏民

國成立 知事承乏長沙府知事奉財政司命令即將此項陋規留存縣署辦理地方各公益事項每年以八成

計算約銀二萬八千餘兩

(二) 公益捐 改革之後鹽効價值較之現今約抵兩倍每鹽一効隨收制錢二文由湖南鹽政處按照銷地分發以爲自治經費名曰公益捐所收不多則民不擾由鹽政處代收則征收不煩稽之冊籍民國二年長沙縣此項所入之數已達四萬一千九百餘兩

(三) 屠捐 直接取之屠戶間接取之肉食之人始於前清末年行之都市改革以後推及各鎮鄉綜計長沙一縣每年可得錢一萬七十餘串

(四) 中捐 湖北買賣田地房屋其中證人例於原價百兩得中費三兩中捐即於此三兩抽取一兩事始於本省之湘潭縣長沙徵行之每年約得銀四萬餘兩

以上四者無累於民爲數甚鉅前二項則由知事統籌支配後二項則歸各自治團體直接徵收

(五) 公款公產 自治經費照章可取諸地方之公共款產其時一年所入總長沙城鎮鄉計算約銀四萬餘兩此項款產多係人民資爲迎神供佛賽會演戲飲食宴樂諸費自經提撥乃積怨於自治事業並遷怒於辦理之人第三期之控訴發還款產之案屢見疊出人民之私相變賣私自僥幸其事時有所聞即伏於此而其時極不合法者則

湖

南

政

報

各鎮鄉間有以禁山會橋公等類之款產移辦學校或作他用在當時非不以此項公益並未實行爲言然修橋禁山等事宜因其停滯而亟謀進行乃並其款產而提撥之自治之不能勝人意者此類是也

(六) 雜捐 如米捐灰捐魚捐麵捐等皆由各該處董事會就地徵收綜計此項捐款歲入之概數約三千串

### 第三期

#### 自治事業之停頓

(一) 鉅款解部 自治解散嚮時田賦之半餘陋規及鹽斤中之公益捐概爲中央政府收爲國家正稅地方驟失鉅款故已有成績之事業皆不能成立

(二) 公款公產發還 從前所提撥之公款公產半經官吏發還人民變賣以致實在之自治款項僅有中捐屠捐兩項時則城鎮鄉議董兩會均經消滅徵收前項捐款不可無機關主持因由縣署委員組織屠捐經收處至民國四年十月兼收中捐於事勢尙稱便利

(三) 停頓時之現象 時長沙僅有中捐屠捐此項入款爲數無多以致城鎮鄉所辦之初等小學仍難接濟故由一千零七十三校減至四百八十五校且學務無人經理同時復有小學經理處之設主其事者有學董有學務委員

第

二

十

五

冊

幸主管得人其僅存之學校勉強支柱然自田賦之平餘陋規及鹽斤之公益捐概行解一部以後地方經費頓減七萬兩經費困難以此爲最大原因民生凋敝不能加捐以故教育一端卽現狀且難維持各項事業如各鎮鄉之農會經費無著概行停閉森林苗圃則因而荒蕪游民習藝所房屋業已竣工竟至撥歸他用其他應興應革業經計畫事宜均因款項動搖頓行停滯民國三年之末政府雖有自治試行條例之頒布實則地方自治事業絕無進行之可言也

**自治事業之繼續** 知事重官此邑已在停頓之後於教育農林衛生道路慈善諸大端繼續進行現在事實亦略有可言者

教育事業

(一) 校數之漸加 民國二年七月統計公私立初等小學校已達一千零七十三校年八月復因自治停辦教育無人經理加以縣署津貼無著祠廟捐款發還以致各學校不能支持紛紛停辦其僅能存在者只四百八十五校三年三月城鎮鄉設立小學經理處並委員催提學款時縣署已設有發還款產處往往委員方催提就緒而發還款產處復明令發還政令紛歧私熟風起欲與取繙則勢所

不行竟予取消則學齡兒童無處就學是爲學校與私塾並立時代雖地方士紳孜孜以教育爲事核其實效則自三年至五年僅增加二百一十七校合計縣屬止公立私立小學七百一十校私塾則其數不可攷五年七月訂定辦法並召集學董會議實行分割學區預定分年推廣辦法其私人團體承認開學者不過四十餘處惟其發展之力較前穩固而辦學之人亦較前穩練故其成數雖減而成績則較優

(二) 校務之整理 自民國二年自治取消各存立之學校皆由私人主持設備編制自爲風氣迨三年設經理處後教員始由經理處聘訂辦法漸歸畫一並由縣勸學員評訂等第與以獎金其不堪教職者得由經理處辭退或勸學員年功加俸辦法先於城區實行俟擴充款項再求推廣至各鎮鄉私塾過多取締取消均甚困難現於學校左不三里內著手取消據勸學員呈報已有頭緒學生皆因此增加頗有嚴嚴肅化之象

(三)機關之主持 賽屬縣輔佐教育行政機關在民國三年三月爲縣視學辦公處是年八月改爲教育學藝辦公處四年三月經余前知事呈奉 前湖南巡按使公署批准改爲學務辦公處五年四月照章改設爲勸學所名目迭經更易主管並未易人至各城鎮鄉之小學經理處均於三年三月成立迄今無所變更此數年間縣署既有輔佐教育行政之人各城鎮鄉亦有學董學務委員負責教育實施之責知事雖經屢易事業尙未動搖者職此之故現在長沙教育成績就城區直接所立之學校論據各省考察學務人員及本省視學各員報告視之通州小學已無遜色卽各鎮鄉亦多成績優良之校向使不受經費減少之影響其進步當更有可觀者此則縣勸學所及各小學經理處主持得人於知事固無與也

(四)現狀之危險 查縣屬國民學校教職員在城立各校校長每月俸金三十串文各教員僅二十串文均並伙食在內以湘省銀圓計算校長不滿十三圓教員不滿九元比之各機關書記薪水相去已遠卽例之各機關供給役使人亦復不及而在各鎮鄉各教員多者每年不過百四十串文少者每年八十串六十串不等今值百物奇昂各教員得此薄薪不能事畜賢者或不得已而懷出位

之思長此以往將見職司教育之人羣以學界爲不堪託足隱憂所伏何堪設想雖經知事規定年功加俸辦法在城區業已實行究屬杯水車薪爲數無幾非另行籌款優予俸薪不能使之久任然民生困苦籌款爲艱此則知事時用疚心者也

### 農林事業

(二)立林務所 知事前次在長沙任內時會頒布民荒墾圃章程於縣治設立苗圃並訂提倡森林辦法獎勵自辦照勸學所警察所辦法呈請設立林務所由紳主辦庶官雖更易機關得以存在業奉指令准行已由知事督同員司進行一切矣

(二)調查荒土 製定調查荒山曠土表式分地主姓名面積大略土宜種植三項飭鎮鄉各團警遵照詳細調查填註旋據冊報私有荒地共計二百零一萬五千六百三十二方丈公有荒地共計二萬四千八百七十二方丈此項調查尙非精密測量以爲時倉卒不能決其實在知事爲督促樹藝起見但求有荒土勒令種樹種樹之後復行調查再令調查再令種植必至確無荒土而後止故明知其調查不實亦非所計也

(三)分發樹秧 查秧苗適於栽植至短亦須一年知事於去年七月接任辦理苗圃已非其時荒廢一春又覺可惜乃派員分途採購各種木苗分發各鎮鄉業主及各學校栽植按照各團警調查表冊分別發給計發欖秧四百四十三萬九千六百株杉秧三萬九千五百株桑秧一萬三千株扁柏五千株梓樹一千六百株刺槐一千二百株楓樹九百株棕桐八百株青桐七百株樟樹七百株嬰子桐三百株樟樹五百株猴樟二百九十株其餘督促各業主自行栽植者尙未由團警彙報到署長沙係長沙善化兩縣合併幅員極廣而荒地亦極多雖此次竭力敦促其已種植者猶不過數十分之一二以言成績殆猶未矣

(四)設立苗圃 知事於縣屬鎮鄉劃分東南西北四區就

公產中選擇適當地點設苗圃四起每一苗圃擇有經驗之教師主持另聘農學畢業生一人往來各苗圃相與考

查俾以新知改良舊法現今通計所播種子計橘子四十石桐子九石赤松子八石杉子四石山茶子四石草朶子五斗棕子五斗苦練子三石茶子四斗梓樹子三斗刺槐

二升并與縣屬各苗戶約定明年購松秧三千萬株杉秧二十萬株各鎮鄉農會自行育苗者每苗圃一起縣署另墊資本俾令積極進行合縣立苗圃及鎮鄉苗圃并私人苗圃三者并進務期發達

子一升中槐子二升側柏子七升杆松一升黑松子一升赤橘子二升白橘子二升櫟子一升山胡桃二升榔子二升花柏子一升赤樟子五合公驥二升扁柏子一升杞子

(七)組織農會 縣農會之設自民國二年始中因變故中止去年復行設立同時復設立十八鎮鄉農會已經呈報有案所有長沙單行之獎勵植棉暫行章程棉業研究會

簡章組織植棉園各鎮鄉苗圃辦法暫行佃種規則均係該會議決

### 衛生事業

(一) 醫藥局 省城之舊有同善小補堂送診局等處仍舊

辦理外去冬縣屬之萬壽鄉由該鄉士紳發起牛痘局一起亦無實在成績

(二) 清潔道路 長沙城歸省會警察廳管理經現任廳長

林支字整頓之後比較各省稍覺可觀此外縣治極繁盛之地一爲榔梨市一爲靖江會由知事嚴令該處警所厲行街市掃除靖江街道逼窄不能十分清潔榔梨市則略

能實施現在情形較諸省城似無遜色 ●

(三) 禁煙 鴉片之害縣屬仍未革除蒞淨訪查既不能週

禁止亦無大效知事常用兩種預戒令一專禁賭博一專禁吸煙凡稍涉煙賭嫌疑者先發預戒令說明利害限期戒除已發預戒令之人卽行知該處警察如期申儆因此戒除者頗衆現已由

省長委員辦理查緝鴉片事務四處偵察收效當更大矣

(四) 放足 女子纏足仍不能免而以貧家小戶爲尤甚知事再三示禁並責成團警勸導亦未見大減因訂定罰則徧貼簡明布告於民家門首城區則派員會同省會警官

挨戶調查剴切曉諭鄉間則責令團警遵照施行始於通衢漸及僻壤勸誠不服再予罰懲其罰則每月錢一百文雖處罰甚微而因之解放者則極多

### 交通事業

(一) 道路 道路本爲要政而改正修繕之舉知事尙未從

事惟縣屬士紳向多熱心公益者如新康鎮修隄路需款約一萬四千兩去歲由士紳捐貲修理今可竣工

(二) 津梁 津梁之事亦如道路邑人多好義或一人獨脩或衆志偕作卽如去歲臨湘鎮之修新橋河西鎮之修載公橋皆民自爲於官無與

### 慈善事業

(一) 積穀 長沙共有六百餘團團有積穀多寡不等略具

第一期清冊其管理之人或卽爲團總或另設倉長領穀者團內中下之家也弊之所至則管穀者侵蝕領穀者拖欠非經控告地方官卽不過問舊習然也鄉人礙於情面而又視若無干非有怨尤不肯出首以致所積之谷並爲

管穀者與領穀者所消滅徒存一積谷若干之名知事生長此間情形較熟於接任之後卽訂定清理章程調查表式委員六人分途清算比諸坐視不理則畧有功以言顆粒歸倉則猶未至惟官民隔閡自昔已然事屬創行益滋

疑慮故雖持之甚力終不能絲絲入扣茲將清理各處辦法約分六類如左

清欠 計照各團花戶欠簿或歷年積欠按照每戶欠數責令繳清如欠戶遷居外境或拖抗狡騙卽責成經手追還

減息 所放積谷每年夏期借出秋後歸倉子息重者多至二分且以一年計算遞年照加子息愈重愈重不能償已由委員按照各團習慣分別減少以一分爲率並經布告曉諭

豁免 欠戶如屬衰老孤寒並極貧者免收本息

整頓 清理鄉團公積穀已由縣署訂定章程稱事者呈請褒嘉不肖者嚴行追比惟穀必須按季歸倉倉必閱實其數爲最要關鍵故視從前之有名無實已稍有起色

恢復 調查各團清冊有所有積穀概已消歸烏有者

即由知事督同都團勸導團內殷實之家量力捐湊

新設 委員清理後約計縣屬所有積穀弱於待振之戶因於適中地方設立常平倉四起各儲穀千餘石上

年水災救濟團尙存穀千七百石擬卽攤派各處以五百石爲公積其餘由士紳捐湊已於東鄉之梨市設

立一起除由存穀項下撥去五百石外其他士紳所譯之捐亦有七百餘石合爲千二百餘石蓋舊時士紳富於此種觀念故能踴躍從事如此

(二) 育嬰 長沙共有積穀十萬餘石育嬰穀約占十分之一以其子息專育貧家女嬰刻因清理積穀並嚴行清理之

(三) 貧民工廠 省會既有貧民工廠等雖不能收納盡淨尙有擴張之力知事擬於各鎮鄉開辦此項工廠數處長沙積習凡遇喪昏等事其費財稍富者例必重給乞丐

人等而乞丐人亦乘人喪昏等事以相要挾知事凡遇因昏喪等事請兵彈壓者概行嚴禁乞丐卽提給發乞丐之費作爲此項工廠開辦費用由縣存放生息甫經試辦已集得錢數百串期月之後當必可以着手經費不必多事業不妨小但能峩具規模以爲將來擴張之基則區區意也

(四) 卸釐保節 縣中各宗祠有每年提穀或銀錢爲撫卹

費者縣署於此事實爲缺然其事業已畧具第一期中

(五) 施衣放粥 說具第一期中今猶如昔時

自治經費之保存移撥 自治經費除田賦平餘鹽斤公益捐概行解 部外所有僅存之款試就其保存移撥之情形言

之如左

(一) 屢捐 向歸各董事會征收自治解散後因由縣署組織屢捐經收處征收此項捐款以紳主持按照征收數目全數分發各城鎮鄉小學經理處爲各小學校經常用費

(二) 中捐 民國四年屢捐經收處兼收中捐亦按照各城鎮鄉數目全數分發各城鎮鄉小學經理處爲各小學校經常用費

經常用費

(三) 公款公產 先由董事會統籌支配自治解散後未經發還者歸各小學經理處照前辦理並將各處應提各款照章提撥亦均歸小學經理處經理作爲教育經費

(四) 雜捐 先歸董事會經理今歸各小學經理處經理刻

仍陸續清理一切以期有裨學政

查小學教育爲自治事業之最重要者 縣屬自治經費概作學款是仍爲自治事業之用並未移辦自治以外之事且未由官廳經理至農林事業則由知事臨時籌款

自治先後情形利害得失之比較

第一期都團時代 都團雖無一定集合之機關然以並無相當權利之故非常人所營謀故能由官廳或人民自由選擇往往得人且以休戚相關情形熟悉故和解紛爭救濟荒歉蓄禁山林禁止賭博盜竊等事尙能得力此其得

也惟是無法律規定之職權地方公款公產或爲所經營又無公佈無呈報之規定官署既難於查察人民亦視爲故常故必視其人之賢否以爲款產或各項公積之消長不若董事會另有議事之機關預算決算皆須通過所有自治之消耗皆爲人所共見都團之偶有侵蝕或且無過問之人又其職務偏於消極者居多以辦積極事業必須款項無他機關爲之代籌終不能有所進行此其失也

第二期自治成立時代 自治成立地方事業負責有人當時農林教育衛生諸端漸形發展惟機關林立員額過多費用較繁民滋怨讐又區域過寬運掉不靈有反不若都團之分布周密處事便利者

第三期自治停止時代 自治解散所有地方事業均無人管理於是都團之制復興其得失畧如第一期惟學務一端遵章於縣署勸學所各城鎮鄉設置小學經理處教育事業責有專歸尙有成效其農林事業知事於縣署設置林務所又敦促各鎮鄉農會一律成立以期積極進行刻下自治機關尙待恢復屬縣所有自治事業如善舉衛生等類則委之都團教育農林則各有機關負責道路橋梁則仍由熱心公益之士紳主持擬定修繕章程俾資改正而利交通此則長沙現在自治之大概情形也

以後舉行自治之芻議

一選舉名額務求其少。變政以來如官治法自治機關例諸前清何啻倍蓰中人以下之活動力皆為少數優秀之民所吸收故小民日益其窮而風俗亦日形其磨苦我

第

二

中斷所有從前籌定之款或已撥為自治事業之費或即行停止征收然而地方自治不可不辦以養成有機體的國家要不可過於鋪張以攻伐社會之能力吾國人智未

進一鎮一鄉優秀之民極少若多定名額則使優秀者皆當不生產之選而地方之生產力亦因之以相消其害一活動於社會則附麗於一身之自由財必因之以多而供給自由財之他方必因之以重他方則以重而懶自身則以多而枯則名為地方自治事業實不異地方自殺事業其害二現在各地方自治經費業已盡歸自治事業一旦自治團體成立必吸攝自治事業之養質以養自治團體自治團體立而自治事業倒則自治團體已無異自治事業之姦賊其害三故知事以為自治不可不辦而不可過於鋪張者此也此選舉名額務求其少之說也

一自治區域務求其小前清時劃分城鎮其區域以外國視之則極其小以中國視之則極其大何也中國交通不

便一城鎮鄉無異古子男之國名為自治不能朝夕相見其害一相隔既遠利害即殊其害二往來既苦則人皆以此項事業為徭役而不樂為其害三此自治區域求其小之說也

## ◎湖南汝城縣地方自治情形調查冊

計開

(一)第一期狀況宣統二年以前

### (甲)公益事業

一勸學所總理一名辦事員四名經理地方學款呈造各學校報告表冊以及承官廳命令轉行知各學校一切關於學務等事不過照例敷衍於勸學職務諸多放棄

一學校高等小學二所初等小學五所查本期間地方風氣尙未開通就學兒童實屬稀少所辦學校內容外觀諸多缺點推原其故蓋因當時缺乏師資所致

一育嬰 貧戶嬰孩按名給發小洋三元

一積穀 各鄉區段分理查第一期經理紳領結存穀五千

零九十二石

### (乙)財產管理

一田租 由佃人將租谷變價繳交勸學所付與各公立學校應用以三箇全年平均計算每年約收銀二千三百四

冊

五

十

十三圓其私立各校田租辦法不同由各校會計員管理  
堂長監督之

一山稅房稅 由承稅人折合洋銀繳交勸學所付與各公  
立學校應用以三箇全年平均計算每年約銀三百二十  
七圓

一貨捐 高排八坵田二處抽收貨捐歷年招商投票承稅

指定作爲學警的款以三箇全年平均計算每年捐銀二

千七百九十三圓其學款係勸學所經理

一東西河木捐 歷年仿照貨捐承稅辦法作爲學警的款  
以三箇全年平均計算每年捐銀二千八百五十七圓其

學款由承稅人繳交勸學所經收

一經紀捐 由地方籌議抽收方法規定捐額全年共小洋  
二千四百圓招商承認包辦按月繳款所有劃分學款係

勸學所經理

一育學款 前已捐款置產由佃人將租谷變價繳交勸學

所發給以三箇全年平均計算每年約銀一百九十四圓  
整

一積穀 由各鄉區段士紳經理原來辦法每遇荒歉之年  
或借或糴須至冬成收穀存倉迺積久弊生或因貧民積  
欠或因經理人侵吞當未查追存倉遂至無從措繳迨官

廳委員清查明知倉無存儲徒取領結以塞責究其實在  
情形本期間存儲現穀不過原數三分之二而已查管理  
積穀借者散穀於民易致民欠糴者銀歸紳手易致紳欠  
各鄉辦法以谷貸諸貧民並未責成殷實擔保遂致難於  
查追且經理非殷實正紳又無一定任期迨遷延日久戀  
管縣眷弊資盜出卒至積谷日漸減少良有以也

## (二)第二期狀況(民國三年二月以前)

### (甲)自治事業

一籌辦地方自治公所 清季開辦反正時停辦至民國二  
年二月復設籌辦地方自治總局於城內民國三年一月

解散

一縣議會 臨時議會民國元年六月成立至正式議會成  
立時解散正式議會民國元年十月成立民國三年奉令

解散

一參事會 成立解散時期如縣議會

一城鄉議董事會 前清宣統三年正籌辦間因反正停止  
嗣因款項難於籌措延至民國二年七月始將區域劃分

著手調查查竣後一切表冊尙未填造具報旋奉令解散  
城鄉議董兩會均未成立

一勸學所 民國元年縣教育會成立隨將勸學所撤消

一縣教育會 民國元年籌設內會長一名文牘一名庶務  
一名均駐會查該會於民國元二年間因爭撥款項連年  
與縣議會互爭其於應辦事務概未舉行

一學校 原有七校廢續舉辦本期創設學校四十所共有  
學校四十七所查本期間民智漸開學校逐漸推廣校內  
一切辦法比前期略有起色

一教員養成所 民國二年舉辦頗有成績

一縣農會 民國二年創辦會長一名副會長一名均駐會  
查該會專任保護山林提倡種植添種冬糧等事其於一  
切應辦事宜諸多闕畧

一團練 民國元年合縣籌款招募練勇二百餘名各鄉區  
段自行籌款招練團勇數千名其縣辦團練至民國二年  
二月土著小隊成立後始行遣散其各鄉團勇民國二年  
上半年解散查縣境東南二鄉距連粵赣反正時邊境地  
方盜賊蜂起竄入內地賴東南二鄉團勇冒死勇戰之力  
地方始稍寧謐

一育嬰堂 照舊廣續舉辦

一積谷 民國元年各鄉區段舉辦團練因籌款無著動挪  
積谷以作軍餉火藥等費調查本期實存谷一千八百九  
十三石六斗

一財務局 清宣統三年設立民國元年裁撤查第一期間

地方財政紊亂無序至財務局成立財政始歸統一

一縣有財產管理處 民國元年設立內處長一名處員  
四名凡屬縣有財產均歸該處照章管理

### (乙)自治事業

一券票費 縣議會議員二十名參事會會員八名酌提券  
票費一千四百四十元爲的款由縣有財產管理處照決  
算額支付

一般實捐 民國二年各城鄉籌辦自治東一鄉捐銀一千  
二百元東二鄉捐銀一百元南一鄉捐銀四百元西一鄉  
捐銀二百元西二鄉捐銀二百元北鄉捐銀一百元作爲  
地方自治開辦費

一居捐 城區每年約銀七十二元南二鄉每年約銀三十  
元作爲地方自治公所的款

一紙捐 南二鄉抽收紙捐全年約銀一百二十元作爲地  
方自治公所的款

一開租 東一鄉提廢棄寺租三十五石作爲地方自治公  
所的款當於冬成收谷變價支銷

一開款 東一鄉提萬緣會息金一百二十元東二鄉提神  
會息銀四十元作爲地方自治公所的款

以上五項均係地方自治籌辦費及地方自治公所的款

查各區籌辦員於民國二年間一面籌設學校一面調

查戶口選民業將各款如數收清統計城區用去籌辦費

民修整公所銀一百二十四元東一鄉用去籌辦費銀八

十元撥去修整學校銀一千七百六十元不敷銀四百五

十五元東二鄉用去籌辦費銀六十元補助學校銀八十

元南一鄉用去籌辦費銀五十元撥去修整學校銀六百

圓不敷銀二百五十圓南二鄉用去籌辦費銀一百四十

五圓存銀五圓西一鄉用去籌辦費銀一百九十圓存銀

十圓西二鄉用去籌辦費銀六十圓撥去修整學校銀五

百四十圓不敷銀五百四十圓北鄉用去籌辦費銀九十

圓存銀十圓其各鄉不敷款項當於民國二年十二月經  
縣議會議決提民國元年下忙未解路股存款彌補

文昌課租 前清科舉時代各區各族捐欵購租以爲津

貼應試生童之用今屬閒租提入辦學共五千九百三十

八石三斗

祭欵津貼 各族從祭款項下津貼學童銀二圓或三圓

不等共津貼銀二千六百二十一圓

一開款 萬緣會太平會等類息金共銀二百一十圓

一開租 醇會山會等租以及廢棄寺租等類共一千二百

三十四石

一雜捐 屢捐紙捐經紀捐等均係規定額數招商包收包  
繳共銀九百八十五元查此項屠捐一項係各鄉學校另  
行加捐之款與繖交財務保管處收入者有別 以上五

項係指定爲自治事業內學務一部分之款統計各校所  
提學款項下大約文昌課租占十分之五祭款津貼占十  
分之二開租閒款占十分之二各項雜捐占十分之一其

收入成數閒款項下約收十分之八各款並無減少

畝捐 民國元年合縣籌辦團練二百餘名按畝抽捐作  
爲團練經費收入成數有十分之八共收小洋八千八百  
二十圓民國二年地方秩序漸次恢復土著小隊成立此  
捐停止

以上自治事業內經費均係本期另行籌集提撥之款至  
原有公款公產均照舊徵收公產以本期平均計算收入  
成數十分之九五每年約銀三千七百八十二圓公款原  
有公款以本期平均計算收入成數十分之九每年九千  
八百九十六圓共一萬三千六百七十八圓整

(三)第三期狀況(民國六年二月以前)

(甲)自治事業

一縣教育會 照舊廣續舉辦

一勸學所 民國五年十一月組設內設所長一名所員二名

一學校 本期添設十四校並原有四十七校共六十一校  
查本期各校因地方師範人材逐漸加多故各校教授管  
理亦漸次改良

一教員養成所 民國三年停辦

一講演團 民國五年十一月因講演員怠棄職務歸併勸  
學所辦理

一縣農會 民國四年歸併保衛總團局辦理

一商會 民國四年設立

一商事公斷處 民國四年設立

一團練 民國三年七月郴縣兵變各鄉籌辦挨戶團縣城  
設團練總局以資保衛民國五年五月與省獨立地方士  
匪蠢然欲動各鄉籌辦保衛團縣城改設保衛團總局招  
募團勇四十名設團長一名副團長二名

一育嬰 照舊章賡續舉辦

一積穀 民國四年續捐九十餘石並原存穀共一千九百

七十三石

一財產管理 民國四年九月將前縣有財產管理處改爲  
地方財務保管處均照章辦理

### (乙)自治經費

一縣議會參事會經費 分票費指定爲議參兩會的款

一各鄉籌辦自治的款 民國三年地方自治停辦後已將  
各款悉數撥入各鄉學校

一各鄉地方自治籌辦費存款 民國三年移撥挨戶團應  
用

一聯合鄉立高等小學補助費 民國五年移撥補助費銀  
六百圓

一麻幫鋪稅 商界所有麻幫鋪稅銀二百圓前已提作縣  
有公款民國四年商務成立此款撥還商會管理

以上四款除券票費奉令提解外餘係從自治經費中移  
撥辦理自治事業至原有田稅山稅房稅以及各項雜捐  
等其屬縣有者歸財務保管處保存其屬鄉有區有村有  
族有者歸各鄉各區各村各族董事保存之

(說明)冊內自治事業內僅將學務農商善舉以及辦團  
等類填列其餘戒煙會修繕道路建築橋梁整興水利等  
事均係各鄉區集合團體臨時捐款創辦無憑列入合併  
聲明

# ◎ 教育

● 湖南省長公署咨 教育部

湖

南

政

報

爲咨請事案據湖南財政廳長袁家普呈稱呈爲核議公益工業學校請求展還公款一案擬准變通辦理事案奉鈞署教字五零一號訓令案據私立公益工業學校附設貧民藝徒學校校長胡兆麟呈稱本校前借湖南銀行銀一萬八千兩無力償還曾呈請展借十年又借用實業銀行銀七千兩前經呈部咨湘請加入湖南銀行借款之內請仍准其加入以便十年期滿一年償還或將工校與崇實女子職業學校校舍由公家收買酌找銀兩另撥校址繼續開辦等情正核辦間先後接准 教育部來咨轉據該校長呈稱各節咨請酌核辦理等因鈔行本廳妥議具覆以憑轉咨又奉鈞署教字一四四零號訓令據省教育會會長陳潤霖呈同前由奉令併案妥議具覆再行核奪各等因奉此遵查湖南銀行爲公立營業機關實業銀行係屬公商合辦機關分立性質迥殊微論實業銀行借款萬難加入湖南銀行卽以湖南銀行借款而論亦係該銀行獨立債權未便因教育行政之間題遽令生債權消滅之關係惟該校長原呈既有由公家收買校舍之請而按諸鈞署迭令轉行 部咨暨省教育會原呈各節亦以維持該校現狀爲前提在公家似不妨於慎重債權之中略示變通維持之意

當即由廳令行湖南銀行查照胡兆麟於民國元年十月以田契四張股票收證共價銀四千三百八十五兩洋一千四百元用公益社名義押銀四千兩又於是年十一月以五家井新老房契二紙瀏陽門外牆灣房契一紙共價銀一萬零三百八十四兩押銀一萬一千二百兩又於二年二月以房契一紙計價銀三千兩押銀二千八百兩三共押銀一萬八千兩均按月八厘行息扣至本年二月止約共息銀七千餘兩由該行派員帶同工匠將該工業崇實兩校詳細估勘計地皮一百八十七方強所有屋宇頗形頽敗按照時價至多可值銀二萬零二三百兩其中如該校東邊大公館一棟業經典與陳尊德堂現爲陳宅居住計欠典價銀三千餘兩又欠改造工價銀數百兩尙有未經完工之處若將此兩款劃除該校房宇不過值銀一萬五千兩擬令該銀行爲之收買並將陳姓典價贌改造工價查明確數分別代償由該校長胡兆麟書立契據交存該銀行管業暫時酌取租金俟該校停辦或遷移之日卽由該銀行處分呈請核示似此辦理則銀行債權不致無著而該校現狀亦可維持其全部屋價扣除代償之數抵還欠款本息尙屬不敷該校長所稱展借十年僅係片面請求該銀行並未奉有核准之案據自屬無從核辦該銀行現值清理欠款之業銀行借款應由該校長自與該行接洽本廳未便代爲置議所

有酌擬變通辦法緣由是否有當理合檢同湖南銀行勘圖估單  
暨鈔契各件一併呈賣鈞署俯賜查核指令祇遵等情計呈賣勘  
圖一紙估單三紙鈔契二紙到署除指令據呈核議公益工校請  
求展緩公款一案於慎重債權之中仍寓變通維持之意查閱所  
擬各節均尚妥協可行應准如呈辦理至實業銀行借款既礙難  
併入湖南銀行仍應由該校長自行清理仰候令行該校長分別  
遵照並轉咨 教育部察核可也此令賣件存印發外相應備文  
咨請 大部察照爲荷此咨(四月二十六日)

### ●湖南省長公署咨 教育部

爲咨請事案據湖南省立甲種農業學校校長熊作舟呈稱敝校  
獸醫學本科第一班學生朱森雲等二十八人於本年三月修業  
期滿業奉鈞署核准畢業在案茲將該生等四學年各科成績彙  
表呈請察核並乞咨行 教育部備案所有該生等畢業證書仰  
祈蓋印發還以便給予實爲學便等情計呈朱森雲等畢業成績  
表二份畢業證書二十八張到署除指令呈及賣件均悉仰候轉  
咨核復再行令遵可也此令表存轉證書暫存印發外相應備文  
檢同原表咨請 大部察核見復以便令遵爲荷此咨(四月二  
十七日)

### ●湖南省長公署咨 教育部

爲咨請事案據湖南常德縣知事呈稱據縣立女子師範學校校

長王應熾呈稱案奉鈞署訓令內開案奉省長公署指令內開查  
教育部公布師範學校規程令第八十三條內載設立師範學  
校應開具各事項呈請 教育總長認可此次檢查該校舊卷未  
據該校呈報此項清冊應即查照師範學校規程令第八十三條  
所列各事項並學生一覽表及本公司前次頒布之高等小學各  
項表式分別繕具賣署備核仰飭知照此令等因奉此查轄校自清  
仰該校長卽便遵照辦理是爲至要此令等因奉此查轄校自清  
宣統元年二月開辦時曾經詳請常德知府連培基轉詳提學使  
專案咨請學部立案一次至民國元年一月又由轄校詳請前縣  
長唐轉詳前教育司長吳咨請 教育部核准立案在案惟其時  
師範學校規程令尙未公布故各事項清冊遂至疏漏未曾造具  
彙賣茲奉前因當卽查照部頒第三十四號公布師範學校令第  
八十三條所載事項清冊條例暨 教育部劃一學校報部表式  
趕緊填造業經完竣除將事項清冊暨管理教員學生一覽表賣  
呈外理合備文呈請察核分別存轉並呈請省長公署專案咨請  
教育總長查核認可准予立案施行再前次奉頒之高等小學報  
告表業經依式填賣在案合併聲明等情並呈賣事項清冊前來  
據此知事查復無異理合備文連同原冊呈賣鈞署鑒核並懇咨  
部立案實爲學便等情計呈賣縣立女子師範學校事項清冊二  
份到署當經指令呈及清冊均悉應准存案惟查該縣立女子師

範學校員生一覽表均未附文責呈實屬異常疏忽仰卽查明迅

速補費以憑核奪轉咨爲要再查冊內有主任教員兼任他校學

科者又有他校校長兼任該校學科者均屬不合應卽遵照 部

令辦理以重學校又查初等小學名稱核與 部章不合應改稱

國民學校並卽遵照此令冊存印發去後旋據該縣知事呈稱知

事查此項表式前次並未附費誠如指令所云實屬異常疏忽茲

奉前因除轉令該校遵照辦理外理合備文檢同員生一覽表二

份呈費鈞署俯賜核轉指令祇遵等情計呈責員生一覽表二本

到署除指令並提表冊各一份存查外相應檢同原費清冊一份

員生一覽表一份咨請 大部察核備案並希見復爲荷此咨 (

四月二十七日)

### ●湖南省長公署咨 教育部

爲咨解事案查本年二月十日本公署咨解第二批靖縣等十三  
縣六年度歷書價銀七十七圓五角附清單一件咨請察核驗收  
見復並希轉令觀象臺臺長查照單開各屬縣所認領歷書冊數  
迅予逕行郵寄各該縣知事查收在案迄今未准 咨復未審已  
否核收茲續據桂陽寧遠新化大庸辰谿乾城等六縣呈明認購  
歷書冊數並遵繳價款聲請速發歷書下縣到署相應開單並檢  
同原責價款咨請 大部驗收見復並查照該六縣認領歷書冊  
數轉令觀象臺長迅予查照郵寄各該縣知事領用至誠公誼此

咨(四月二十七日)

附咨送湖南省桂陽等六縣認購本年歷書冊數清單

又解桂陽等六縣認購本年歷書價銀三十二圓五角

桂陽縣 一百冊 繳洋五圓

甯遠縣 一百冊 繳洋五圓

新化縣 二百冊 繳洋十圓

大庸縣 一百冊 繳洋五圓

辰谿縣 一百冊 繳洋五圓

乾城縣 五十冊 繳洋二元五角

### ●湖南省長公署咨 教育部

爲咨請事案據湖南高等師範學校校長劉宗向呈稱案奉鈞署  
第六五號訓令開准 教育部咨開案查師範學校以造就小學  
教員爲目的高等師範學校以造師範及中學教員爲目的所有  
在校學生多係公費畢業以後自應遵照規程按年服務方不失  
國家培養師資之本意尾開自此次通咨以後各地方師範中學  
暨國民高等小學校遇有管教各員缺額應就高等師範及師範  
學校畢業者儘先分別任用等因奉此在案本校現有本科英語  
部數理部博物部學生三班均於民國三年八月考入本科肄業  
扣至本年三月底各項學科教授完竣正在附屬中小學實習至  
六月底當行畢業又專修科國文部學生二班歷史部學生一班

原訂兩年畢業於民國四年八月考取入校現在學科完竣亦在實習至六月底與本科同時畢業查該生等成績尙多心得之處畢業後充當教職員諒能勝任茲屆畢業期近應請鈞署咨達

教育部諮詢各省缺乏何項教員以便分派其務一面仍請鈞署通令所屬各校遇有管教各員缺額應就此項畢業學生藉先分別任用以符實行任務之定章而副國家培養日資之本意所有本校本科學生三班專修科學生三班請准服務情由理合備文聲請伏維鑒核一并等情附本科學生名冊二本專修科學生名冊二本到署除指令呈及學生名冊均悉應准如呈辦理仰卽知照此令名冊存印發外相應備文檢同原費名冊並另單開列該校各部將行畢業人數咨請大部通咨各省省長查明各該省所屬學校應須某科教員人數於本年六月以前開單報由大部咨行到署以便轉令分別派往服務至誠公誼此咨（四月二十七日）

## 計開

本科英語部二十九人
本科數理部二十六人
本科博物部二十七人
專修科文學部七十四人
專修科史學部四十五人

●湖南省長公署咨 教育部  
爲咨請事案據岳陽縣知事賀民範呈稱案奉鈞署教字第9號指令呈一件呈費縣立中學校第六班學生及轉學生一覽表並分別存轉由令開呈表均悉該校本學期管理員教員一覽表並四年度週年概況報告書著速分別造報到署再將所費學生一覽表一併核轉備案可也至變通入校始期照章應先經 教育總長許可該校本年春季未據先行呈報殊屬疏忽嗣後應遵定章辦理仰卽轉知遵照此令表暫存等因奉此遵卽行知該校查照辦理在案茲據該校分別造具前來並呈稱本校乙班學生李紹綱等二十六名四年十月補習期滿畢業丙班學生汪誠意等三十名五年二月畢業均經依式填造表冊四份呈請核轉在案又四年九月造具本校事項清冊四份呈請 報部立案旋奉部復以學則中缺漏教授時間表無從考核亦經遵造費呈迄今未奉 部復想係前巡按使任內漏未核轉應懇詳請省長將原呈各表一併咨 部察核備案等情據此知事稽查檔案該校所造乙丙兩班學生畢業表冊及教授時間表均經前任王李兩知事先後轉呈前武陵道尹公署核轉在卷據呈前情理合檢同該校民國五年管理教員學生一覽表四五兩年週年概況報告書各二份備文呈費鈞署察核伏乞連同前費學生一覽表及乙丙兩班學生畢業表冊教授時間表一併咨 部核准備案施行等情

湖

南

政

報

計呈費表二分報告書四分到署據此除指令呈及附件均悉仰候連同前費一覽表一併咨 部核覆令遵惟乙丙兩班學生畢業表本公署現無案可稽著速補造四分到署再行核轉至該校補報教授時間表於五年二月准 部咨核准備案業經沈前使飭武陵道轉知遵照矣再週年概況報告書應自每年八月起至翌年七月止造報嗣後著卽更正此令表及報告書存轉印發外相應檢同原件備文咨送 大部請煩查核見復是荷此咨(四月二十七日)

●湖南省長公署咨 教育部

爲咨請事案據湖南公立工業專門學校校長賀步程呈稱呈爲彙報本校各班學生降級情形懇請核准轉咨備案事案據本校採治第四班學生張世炎以程度不夠不能聽講請降採治第五班肄業又李國欽以性質不近採治王鑑羣因試驗主要科目不及格復呈明性質不近採治均改降教員養成所應化科第一班肄業黃偉因試驗主要科目不及格降入採治第五班肄業又教員養成所應化科學生陳宗漢洪佑紳張德祥以性質不近應化請改降養成所機械科第一班肄業黎養源因試驗主要科目不及格復呈明性質不近應化請改降養成所機械科第二班肄業黃冰因試驗不及格降入應化第二班肄業又教員養成所機械科學生宋維偉因病假缺課太多趕班不上改降養成所應化

科第二班肄業任熙賀天驥因試驗主要科目不及格復呈明性質不近機械改降應化科第二班肄業彭德宣因試驗不及格降入養成所機械科第二班肄業經步程查核學級並無不合之處理合造具各班降級轉學生一覽表備文呈請鈞署核准咨陳教育部備案實爲學便等情計呈學生一覽表二份到署除指令並提表一份存查外相應檢同原表一份咨請 大部察核備案爲荷此咨(四月二十七日)

●湖南省長公署咨 教育部

爲咨請事案據第一女子師範學校校長馬晉羲呈稱呈爲學生畢業期滿應予畢業頒請核轉事竊本校師範本科第二班學生(即五年度報冊內所稱四學年第一班生)周大作等由前校長朱劍帆於民國元年四月開辦省立第一女子師範考取入校又第三班學生(即五年度報冊內所稱四學年第二班學生)陳佩蘭等一十六名由校長岑於民國元年八月開辦省立第二女子師範考取入校譚學廉等二十四名由康校長和聲於民國元年八月開辦省立第三女子師範考取入校查五年度學生一覽表原載周大作等四十五名除周國楨本學年久未到校外祇存學生四十四名原載譚學廉陳漱蘭等四十四名除黃健民於本年二月病故邱儼王楊英鼎華本學年久未到校外祇存學生四十名該兩班生八十四名皆於民國元年考入預科肄業二年

第

二

十

五

冊

八月升入師範本科至今年暑假在本科修業已滿四年陳漱蘭等十六名預科修業雖未滿一年當三校合併時業由各教員酌量補課一學期後各科程序無稍參差晉義於四年度週年概況報告書內曾將授課時數增減情形詳加聲敍該兩班生升級情形民國四五兩年曾經晉義兩次呈請核轉在案本年一月以來該生等輪班授課分組實習六月底將一律完竣屆時例應舉行畢業試驗用特造具學生一覽表二份呈請核轉批示祇遵至爲學便等情計呈學生一覽表二份到署除指令呈表均悉該校第二第三兩班學生周大作陳漱蘭等於本年六月修業期滿所請屆期舉行畢業試驗之處應准咨 部核復令遵仰卽知照此令表存轉印發外相應備文檢同原表一份咨請 大部察核見復以便令遵爲荷此咨(四月二十七日)

●湖南省長公署咨 教育部

爲咨請事案據湘江道尹呈稱呈爲師範學校補請立案造費清冊圖表轉憲核咨事竊查武岡縣立師範學校自成立以來尙未報部立案曾於本年三月造費概況報告書案內奉鈞署令准教育部咨飭令遵照修正師範學校規程造具事項清冊從速補報又該校原費學生一覽表內未將本科年級註明併飭一併填明具報各在案茲據武岡縣知事劉運鴻遵令飭據該縣立師範學校造具事項清冊附具學則圖表並補具五年下學期學生

覽表填明年級呈請核轉前來道尹逐加查核大致尙無不合除指令該縣知事轉飭該校聽候轉呈核辦外理合具文轉呈鈞署察核並憑轉咨 教育部立案施行等情計資事項清冊二份學則二份校圖二份歷年職教員表二份五年下學期學生表二份到署除指令呈及費件均悉應准轉咨備案惟查原費學則第六條內載修業期限爲一年及一年以上或二年以上語欠妥協且核與 部章未合應於修業期限句下改用悉按 部章規定一語概括又該學則第十六條內載本校原分一學年爲三學期四年遵照 教育部通令改爲二學期等語查學校學年學期規程則此條錯誤亟應更正仍查照元年三學期部令辦理其餘大致尙合飭知照此令費件存轉印發外相應備文檢同原費圖表清冊各一份咨請 大部察核見覆以便令遵爲荷此咨(四月二十七日)

●湖南省長公署咨 督軍公署

爲咨請事案據省立第二甲種農業學校籌備員孟鼎鑑呈報籌備情形內載農業學校非可徒事空談必須經營一良好之試驗場方足供學生實地練習之用查該縣東關外敷廠坪營地爲舊日綠營操兵之所方廣平沃縱橫約計八十餘畝劃分農場林場最爲適用茲謹擬雙方並進一面開辦學校傳述學理以期農林

湖

南

政

報

智識之發達一面採集籽種實行種植以備學生技業之實習鼎鑑一得之愚總期事歸實際欵不虛靡以仰副鈞座振興實業培育人才之至意等情據此正核辦間又據該籌備員呈稱竊職校址業經鼎鑑遵令相度芷江縣舊有考棚甚為合用又東關外教廠坪營地堪作農林試驗場曾將適用情形呈覆鈞署並咨請該縣知事將該二處地點劃歸職校接管以濟要公各在案茲准該縣知事易鳳祺將地點撥交前來除俟繪圖呈賣外理合呈請鈞署察照備案以重官產再該縣教廠坪地畝係屬營產應請轉咨督軍署查核備案等情到署查省立第二農校現已確定並江縣舊有之考棚為校址自不可無良好之試驗場以供學生實地練習之用既據該籌備員相度該縣東關外教廠坪營地適用爲農事試驗場應請 貴署援官地撥給官校之例將該教廠坪營地撥歸省立第二農校管轄藉收實益為此備文轉咨 貴署卽希察核見覆為荷此咨(四月二十七日)

### ●湖南省長公署函復 留美學生監督

逕覆者案准 來牘內開案奉電開准部電蔡某(電碼不明)應補官費請照辦等因奉此蔡生之名電碼不明無從揣度又該生現時究在中國抑已來美此間亦未得知敬懇將蔡生姓名及其住址從速示知以便照發學費等因到署查蔡生名鍾卽蔡故上將松坡之胞弟該生前以自費由日本成城學校卒業留美已閱兩年現入亞德非專門學校准開前因相應函復 貴監督應請自六年一月一日起核給該生學費以資接濟再查湘籍留美公費生連葬歸國已久遺缺卽以蔡鍾頂補並希查照此致(四月二十六日)

### ●湖南省長公署令汝城縣知事

案據第二區省視學廖重祺呈報視察該縣教育各情並賚報告書表到署查該知事蒞任以來對於該縣教育整理擴充擘畫精勤深堪嘉許惟查縣立女子高等小學城立通智國民及高等小學鄉立第二高等小學北區立新民高等小學等校舍多不適用均應責成各該校酌加修改又城鄉立各校教科書多付缺如前經編送在案茲屆春季所有冬季學款亦應編送報銷清冊連同各項收據恭呈審核敬祈察照並候批示等因附收支清冊一件收據六十五件到署除將原件發科存查外相應函覆 貴監督卽希察照為荷此致(四月二十七日)

### ●湖南省長公署函復 留美學生監督

逕覆者案准 來牘內開案奉電開准部電蔡某(電碼不明)應補官費請照辦等因奉此蔡生之名電碼不明無從揣度又該生現時究在中國抑已來美此間亦未得知敬懇將蔡生姓名及其住址從速示知以便照發學費等因到署查蔡生名鍾卽蔡故上將松坡之胞弟該生前以自費由日本成城學校卒業留美已閱兩年現入亞德非專門學校准開前因相應函復 貴監督應請自六年一月一日起核給該生學費以資接濟再查湘籍留美公費生連葬歸國已久遺缺卽以蔡鍾頂補並希查照此致(四月二十六日)

第一

二

十

五

冊

可取何朱煥湘及何作霖等慷慨輸將尤足嘉許惟朱瓊何黃琇  
娥范朱實龍周傳御歐陽照何綸綱朱家聲何弼亮胡光耀李文  
壘等或辦事不力或管理不合盧行珍袁冠等雖屬穩重殊少新  
知識周相成教授圖畫示範得法國文改作間欠雅馴盧維章袁  
鈔銘范大滩葉錫圭等均學有根柢惟教授少用啟發式仰該知  
事查照前列各員分別轉令獎懲並將該視學約訂各條督飭各  
該校切實履行不得視為具文是為至要此令(四月二十七日)

### ●湖南省長公署令常德縣知事

案據該縣求是學校校長劉廷澤呈稱富驕官袒款紓校危急飭  
另委等情到署除批呈悉該校長呈控木商單星階等抗繳牌捐  
一案經本公署令行該縣知事查明呈覆仍令單星階照章追繳  
該校常年經費至前此七年欠繳之款請予減成算繳等情五年

十二月業經核准飭遵在案本年四月該木商楊福田單星階等  
復呈控該校長吞蝕學款一千數百餘串懇飭算追本公署以查

劉廷澤與單星階等構訟連年難保無挾持意見專肆攻詰之處  
惟事關侵吞學款虛實均應澈查仰常德縣知事督同勸學所秉

公查核並妥定嗣後收捐辦法以昭公允仍具覆核等分別批令  
去後現尚未據呈復茲據該校長呈訴單星階仍前抗繳並另將

私塾改名保元學校欲借爲搪塞學捐之地如果屬實則單星階  
刁狡殊甚總之此項脩捐自前清迄今將近十年之久已確定為

求是學校捐款萬難變更該單星階如果熱心教育創辦保元學  
校自應另籌的款不得損人利己專以意氣從事仰候令行該縣  
新任知事併案查明辦理仍覆候核奪可也所請飭縣另委接辦  
之處應毋庸議此批副呈發併掛發外合函令仰該知事即便遵  
照辦理毋延切切此令(四月二十七日)

### ●湖南省長公署令公立工業專門學校

案准 教育部咨開准本年四月二日教字第一五六四號咨暨  
湖南公立工業專門學校土木科補習班補習課程表一冊到部  
查馬振球前冊誤作馬震球既據查明應准更正備案補習課程  
表既將地質道路兩科增入尙無不合應由該校校長督飭各生  
按表認真補習是為至要相應咨覆貴省長查照令遵等因准此  
合行令仰該校知照此令(四月二十八日)

### ●湖南省長公署令財政廳

案准 農商部咨開本年三月二十七日接准咨稱常德總商會  
請由常德釐金徵收局於抽收油釐時代收公益捐款一案據財  
政廳呈復據常德縣知事會同釐局商會悉心妥議擬定改收錢  
文規定勞金以及收捐手續辦法均尚妥洽請查照備案並將該  
商會原呈批示仍希見復等因查此案前准教育部復稱常德油  
商認輸商會公益捐款年約八千串該校前在本部呈請立案原

稱每年以商會公款六千八百串爲經常費縣立第一小學校每年劃分一千二百串顯係當時已經分割清楚現擬改由常德釐金徵收局於抽收油釐時代收此項公益捐款當可有益無紓該總商會所請以此項捐款爲商校常年的款一節自應准照原案

辦理除每年劃分一千二百串爲縣立第一小學校經費外其餘盈收之款應儘數歸該商校應用希查照示遵等因當經本部批示該商會遵照在案茲准前因既經該縣知事與釐局商會悉心妥議並得納捐油商之同意自應准予備案除咨行教育部查照並批示該商會遵照外相應咨行貴省長查照可也等因准此命令仰該廳知照並轉令常德知事及常德總商會釐金徵收局一體遵照此令(四月二十八日)

### ●湖南省長公署令

永順沅陵縣知事

案據省立第二師範學校校長李笏山呈稱本月十日案准常德烈士祠通告內開案准常德縣知事公署函開黃蔡故上將國葬有期取應設位致祭以誌哀忱茲准散前任交到省長敬電一紙用照原文鈔陳希卽分神籌備一切並請轉致各官署各團體屆期一體致祭至誠公誼等因准此查黃蔡二公功在民國相繼逝世薄海同悲去年十一月二十日曾由本祠商同地方各官署各團體遵照省電開會追悼並奉二公神主遺像崇祀本祠在案此次舉行國葬自應遵照省長敬電辦理謹於四月十二日午前九

時起就本祠致祭蔡公四月十五日自午前九時起就本祠致祭黃公務望各官署各團體屆期來祠致祭等由校長伏查鈞署敬電尾段僅載有屆期擇地設位一體致祭以誌哀忱各語並無放假一日命令校長遵於本月十二日督率本校職員並各班學生各派代表二人共十二人連同附屬小學職教員及小學生十六人於是日九時同赴烈士祠致祭留校未與祭各生仍照平時上課祭歸已上課二時至第三時搖鈴上課突有放假表示崇拜英雄並洗刷非常制派之要求全校一致均不上課經學監及校長傳集各班值週生詢問原因僉謂蔡公係手造共和之人不放仰崇拜蔡公即是反對共和反對共和即是帝制派前二時學生所以士課實顯明辦事人不肯放假即是辦事人不崇拜現在學生所以停課表示崇拜出於學生之意云云經校長及學監反復說明理由並謂各處均未放假學校未奉到省長命令絕對不能任意犧牲全校功課諸生必欲停課祇好聽候呈報處理但校內仍照章搖鈴執行上課言罷再命搖鈴檢查上課人數第三時除值週值日生十二人外尚有四人第四時復加四人至午餐後再傳集寢室自習室各值日生迫令上課否則首先開除於是忽焉又全體上課此中原因令人殊難索解是晚卽請各學監切實調查始悉此次舉動除有一二隱謀教員於本日上課暗中鼓吹外首先倡議者一級一班學生樊經淮向美立二人暗中鼓

吹多人不准上課並約請值週生赴事務室代表囑以如何措辭故有上述崇拜反對等種種荒謬怪說值週生傳達校長不允放假命令後彼等仍暗中督促不准同學上課似此故意搗亂既等學校規則於弁髦而玩弄全堂復視數百人功課爲兒戲夫亂草不除隱爲苗蠹害馬不去實羣之憂樊經淮爲一室值週生不能勸勉室內同學上課已屬放棄職務乃敢妄造謬說煽惑鼓吹向美立既非值週又非值日不自上課已屬無法亦敢與樊經淮一致舉動糾衆商議查管理通則第十六條內載學生不得停課罷學第二十條內載學生不得藉端要挾又第百五十二條內載違反前二條及性行不良難期改善者均處甲罰樊經淮去歲五月曾處乙罰二次貝前校長久欲開除因事未果實行此次又復如是其性行萬無改善希望向美立品行成績僅列丙等同學咸以囚人綽號稱之此次獨兩次至二級值週生夏萬國室內越級請求代表其性行不良可知校長爲整肅校規懲一儆百起見特取魯從罔治之義將爲首倡議之樊經淮向美立二名懸牌開除學籍勒令立刻出校其餘尚有應加懲創及能獨立上課守正不惑各生應行分別罰賞外理合另具該各生履歷表一紙備文呈請鈞署察核行文各該生所屬縣知事嚴予追繳學膳費各洋一百五十元並通令各學校勿再收錄以儆效尤校長無任感盼之至

生樊經淮向美立二名倡首罷課敗壞學規實堪痛憾除由該校長照章開除學籍外仰候令行各該縣知事追繳學膳費洋各一百五十元並通令各校三年以內不准收錄以儆效尤仰即知照此令表存印發外查原表內載樊經淮永順向美立沅陵縣人住外顆砂保十萬坪溪保證人周德成合行令該縣知事即使遵照將該生樊經淮應繳之學膳費洋一百五十元嚴行追繳呈候核奪此令（四月二十八日）

### ●湖南省長公署令瀏陽縣知事

呈復判決劉秀夫等與李斌因學款互控一案由

據呈劉秀夫等於五年呈請開辦劉氏儲英國民學校文內但云籌定常年的欵開辦族學並無請收回二年經省視學姚孟宗撥入新實村學呈經前教育司立案常欵一百四十千文之語復據該知事委永和鎮學董唐蔭隆查復呈稱該校現有的欵一百千文該族貲財豐富畧加籌撥尙屬易事庶於村學族學兩無妨礙等語該知事判令劉秀夫遵照原案仍繳歸新實第三校常欵一百四十串文另籌的欵以圖鞏固該儲英學校尙無不合應准照辦並轉令該校等遵照可也此令（四月二十六日）

### ●湖南省長公署令新甯縣知事

呈報斗光高小學校辦理困難情形並賚該校圖記樣式請核

示由

悉查該斗光學校於民國元年憑盧前知事張鵬魏委員肇文及當時縣議會劉重堪易贊周等完全交歸縣有並由劉世鴻代故紳劉光才等出具永不干涉切結早經詳定有案該張前知事

呈請將該校財產發交財產保管處照管自屬正當辦法本公署業經核准在卷該劉定勛於元年已經變更私立爲縣立之學校猶欲將財產收歸私有以至抗不繳呈契據殊屬誤會惟管理該

項校產方法劉定勛以原捐人子孫資格應許有查議之權與該

縣教育會勸學所等會議管理細則時同時規定至該捐主子孫將來入該校肄業並得享有特別優待皆經於劉定勛迭次呈詞剖切批示並無不得與聞之說劉定勛如果明白事理何至始終懇諉頑抗不遵該知事現委任范席楷充該校校長劉世鴻充校董兼會計職務校歸縣立用人行政之權當然屬知事負責惟學校印信應呈由本公署核發以歸統一查本公署前頒定各縣學校及各教育機關印信規則小學校祇有鉛記無圖記且學校應分縣立公立私立三項以清眉目該知事所呈刊發該校圖記並未標明縣立亟應注意仰仍遵章備繳刊費郵費另行呈候核辦併一面開導劉定勛遵照前令繳呈契約圖書簿據並查明該前校董陳策長已否於去歲寒假時經勸學所等算明帳目呈經復

核毋任含混至該校學生因本年增加學膳費倡率罷課該知事

擇尤開除辦理甚是惟查學生膳費應歸自理學校但徵收學費不徒免滋紛擾且可減輕負擔省外各學校皆然著併遵照此令

(四月二十八日)

### ●湖南省長公署令財政廳

呈遵令核議安化縣呈明籌捐興學一案請核示由  
呈悉准如所擬辦理併仰令行該知事轉令遵照此令 (四月二十八日)

#### 附原呈

呈爲核議安化縣呈明籌捐興學一案請核示遵事案奉 鈞署訓令據安化縣知事反大猷轉據縣屬豐樂鎮學董黃憲堯等呈請抽收麵麥錦砂各捐充作觀瀾學校常年經費一案飭卽核議具覆等因到廳奉此並據該知事具呈前來查教育事項關於自治範圍以內照章原應就地設法以策進行該鎮觀瀾學校常年經費收支既多不敷現擬抽收麵麥各捐藉資挹注察閱單開所擬捐額或照舊抽收或捐率甚微且業據該商務分會開會妥議酌量增減將來推行時當無阻礙擬請照准立案以裕學款所有核議具覆緣由理合呈請察核示遵謹呈

### ●湖南省長公署令永陽縣知事

呈縣立高小校轉學生一覽表由  
呈表均悉暫准備案惟黃裕黃極蕭人傑劉振華梁邦棟劉致中

第二

十

冊

五

等六名前賣表冊無名當係新招轉學生著速詳細查覆更正至五年十月補招生內有非國民學校畢業生程度是否合格應令隨時嚴加考驗如聽講質有困難著卽降班補習以免躐等之弊仰卽轉令遵照此令表存（四月二十七日）

●湖南省長公署令培德女學校

呈學款奇細懇照舊案恢復原有津貼由

悉查五年度補助私立學校經費增額甚微刻正考核各校成績通盤籌畫妥爲支配所請查照二年議會原案恢復原有津貼之處未便照准仰卽知照此令（四月二十七日）

●湖南省長公署令郴縣縣立師範學校

呈新班學生轉學困難情形由

悉查本公署刻正提倡國民教育其入手方法卽在培養師資該縣立師範學校如果辦理適宜本公署豈有不予維持之理惟該校經費支綱異常一切設備均形缺畧有名無實敷衍遷就流弊滋多本公署爲力求國民教育完善起見不得不令該校停辦將所有預科學生送入省立第三師範肄業以期名實相副迭據該縣知事及該校長請求均經明白指令在案茲閱來呈斷然以學生寒畯爲詞該校學生如果寒畯居多則該校此次停辦由征收學膳費之縣校轉入不征收學膳費之省校正可減輕担负遂諸生殷殷求學之懷豈復有不樂轉送之理至轉送之後編級

授課應視各該生程度爲準來呈稱班次不一畢業卽有前後之殊諸生以此疑懼等語如果屬實是該生等不求學業之完全而惟期畢業之迅速卽此一端已足徵平日不能實心求學殊失本省長注重師範人才之本意餘呈各節均無理由應毋庸議仰仍遵照前令辦理可也此令（四月二十七日）

●湖南省長公署令財政廳

呈遵令核議長沙縣呈請抽收茶捐一案請核示由

悉准如所擬辦理併仰令行該知事轉令遵照此令（四月二十八日）

附原呈

呈爲遵令核議長沙縣呈請抽收茶捐一案請核示遵事案奉鈎署訓令據長沙縣知事姜濟寰轉據縣屬尊陽鄉學董羅建極錦繡鎮學董朱森甲等呈請抽收紅茶捐充作國民學校經費等情一案飭卽核議具覆等因到廳奉此遵查該縣尊錦兩鄉鎮國民學校經費支綱原有地方祠廟附款及屠中兩捐收入無多既不足供挹注自可照章就地設法以裕學款據稱該鄉鎮出產紅茶每箱裝運赴漢約值漢銀十八兩之譜現擬每箱抽收銅元十枚充作學校經費查核捐率尙不甚重旣據該學董等會商士紳均表贊同呈經該知事體察情形以爲可行據情轉呈前來察核所擬收捐辦法亦尙妥洽似可照准試辦

湖

南

政

報

俾策進行惟該鄉鎮每年學款收支仍應造具預算呈由該知事查核以符定章所有核議具覆緣由理合呈請 察核示遵謹呈

### ●湖南省長公署令龍山縣知事

呈報省立第二師範學校丁班畢業生田荆開被匪搶刦失去畢業證書懇核發由

悉該省立第二師範丁班畢業生田荆開本年二月被匪抄刦失去畢業證書既經該知事查明屬實呈報到署應准由本公司核發畢業證明書交該知事轉給該生以資證明學績仰飭此令

附證明書

湖南省長譚 爲證明事案據龍山知事唐毅呈稱竊知事案據勸學所長賈文漣呈稱案准湖南省立第二師範學校丁班畢業員田荆開函稱本年二月二十一日上白崖區石牌洞

地方陡來大股悍匪楊子衡楊寶臣彭南川彭北川楊應文李別知照此令(四月二十八日)

鵬臣百餘人捉擄抄燒石市如洗荆開廬舍同付灰燼一身之外片物無存並失去畢業憑照及歷年委任聘書照會指令等件業已稟縣備案然成績無徵何所信守共和人民尤以資格程度為要自應按照湖南全省學校成例仰希貴所呈請縣署轉呈省長飭令湖南省立第二師範學校再行補發畢業文憑

以資信守而符定章等因准此理合備文呈請鈞署查核轉呈施行實為德便等情據此知事復查無異合行據情轉呈備文呈請憲台俯賜查核飭發施行公德兩便等情到署除指令呈悉該省立第二師範丁班畢業生田荆開本年二月被匪抄刦失去畢業證書既經該知事查明屬實呈報到署應准由本公司核發畢業證明書交該知事轉給該生以資證明學績仰飭知照此令印發外合行發給該生畢業證明書以資證明學績此證(四月二十七日)右給省立第二師範畢業生田荆開

### ●湖南省長公署批常甯唐禮權等

呈懇補給證書以便轉學由

悉查唐禮權劉潤楚兩生在學證書尚存本署據陳各情仰卽取具保結來署具領可也至該生李書紱應給該校法律本科半學年證書前經該生領去尙餘存根在卷所請應毋庸議仰卽分



## ● 實業

### ○湖南省長公署咨 農商部

湘

南

為咨報事案查清明日為植樹節前准 大部咨行酌定地點躬

率僚屬手植良木並督飭所屬道縣及各學校一律遵辦報查如在氣候溫暖各地樹木萌動為期較早得於植樹節前酌量情形先行栽植屆期舉行禮式以便時宜等因本省長以森林利益不但可收材木之用且能防旱澆有益衛生湖南省林政失修山多

童灌亟應躬自提倡期收效益南方氣候較北方為早因酌定春

分日為植樹時期擇定嶽麓山為植樹地點並通行道縣及教育農商各會與各學校酌定時期遵照辦理是日春分日天氣晴朗率領本署椽屬及同城道尹財政廳長關監督警察廳長教育農商各會會長各學校校長前赴麓山偕同植樹本省長手植松樹五株各機關長官及各職員各植柏樹一株標記姓名是日各學校學生均由各該校教員領赴城外軍路兩旁分段植樹嗣據各屬知事先後將植樹情形呈復到署或於春分或於清明尙能切實提倡除隨時督飭認真墾植外相應將植樹情形速同影片咨報 大部請煩查核備案此咨(四月二十六日)

### ○湖南省長公署咨 駐日中國公使

為咨請事湖南省公立茶業講習所現派陳時泉前赴日本購辦製

茶機械因便分赴東京靜岡宇治名古屋等處調查各處農事試驗場及製茶會社各事項相應咨請 貴公使煩為轉知日本政府分飭各該機關於該員到時接洽指導是盼此咨(四月二十六日)

### ○湖南省長公署咨 省議會

為咨事復事案准 貴會咨改委張孝準為鑛局總理一案業經多數否決請另提鑛局總理咨送過會以便再行開會表決等因准此茲擬另委蕭仲祁為鑛局總理相應開具履歷咨達 貴會請煩議復施行此咨(四月二十六日)

### ○湖南省長公署令 森林培秧局

案據大林區籌備員朱繼承呈稱案據技術員呈稱竊明蔚奉令隨同凌學士道揚前往湘潭衡山各縣講演森林種植方法調查林務各等因遵於月初八日起程赴潭九日前十時在潭邑城隍廟開學界下午後二時開農工商各會共計到會者約千人莫不神怡心悅而有樂聞不倦之意是日下午四時僱輪赴衡山十日清晨抵衡邑隨往衡嶽考察登至半山彌望無垠皆是灌漑土質肥沃確為湘山之冠無論何項樹種均屬培植相宜混農作業尤為天然美利風景經濟俱為有益且距湘水僅隔三十里他時運材交通亦稱便利登峯遊客必較今日加倍是林業興商務不無密切關係者十一日在衡山縣聖廟開紳商學界大會到

第

二

十

會者約五百人凌學士宣講森林直接間接之利益明蔚續講南嶽將來造成森林對於地方保安及經濟上之利益關係甚大亟望合羣力以贊助保護無使長爲荒山致地方與湘水下流受無形之損害等語是日下午三時乘輿往衡陽沿途考察荒山滿目皆是時值淋雨溝壑皆盈泥沙沖洗水盡成赤湘水上流一帶不速培養森林將來洪水爲災必更有甚於今日者十五日抵衡城歷查道立二苗圃均在城內土質肥沃過甚苗木生長必異常柔弱他時移植林地當難成活且該二處面積不過五六畝之譜初年似可敷用至二三年後換地分植絕無擴張之餘地若將此二苗圃改作培桑之用甚爲合宜並查湘水沿岸多係細沙質土到處宜桑况桑爲森林之一種其收效較森林更速亦應同時合作以收地無遺利之效次日偕凌學士往衡城對河八方嶺考察該地面積約三四十畝東南方向土質中庸用作苗圃甚爲適宜查該處前係畜牧場地後因失敗停辦所有房屋均可仍舊不過稍資修理計算整地費約在一百元上下即可播種然該地乃係私人所有其租金若干及一切交涉如何在衝時間短促未及詳查十六日在本城開各界大會一次計到會者共五百餘人會後士紳挽留請再講演時因凌學士稍患喉疾未果遂於十七日返省次日往嶽麓山攷察得同凌學士規畫該山將來種植一切已與前次培秧局六年度預算案內所計畫者相同惟查民國二年明

蔚在培秧局經理任內所植硯瓦池黑石坡一帶松樹已於前數日盡被野火化爲焦土杉樹亦被野燒甚巨如此已成林之成績任意焚毀不無心傷用特附呈懇請轉呈省公署如何飭局經理保護之處伏候裁奪所有此次奉令隨同凌學士前赴湘潭各縣講演並計日攷察情形合並具文呈請察核施行等情查林務講演爲林務專員執掌之一端前奉令派員隨同凌學士前赴湘潭衡山各縣講演森林種植方法藉便攷察當派委該技術員前往攷察並令調查各該縣林業及苗圃與荒山情形俾可督促進行用副提倡林業之至意茲據呈稱各情衡陽道立二苗圃似宜加以擴充遷地方可適用應請責令該管道尹切實舉行用資模範以擴充遷地方可適用應請責令該管道尹切實舉行用資模範嶽麓野燒竟將數年前培植之松杉等林一旦化爲灰燼若不嚴行禁罰匪特培秧局現有之林木難望保存卽今春由林區在禹王碑下一帶山地所植之松苗一十五萬餘株亦難免不繼續受害林業何能望其發達擬請責成長沙縣暨培秧局認真保護明定賞罰根究縱火人犯以儆將來並請分令各縣對於現有森林不問公私凡發現森林犯罪行爲務參酌以該地慣行盡法懲治官民荒山庶可依限種植蔚成美林是否有當伏候察核施行謹呈等情據此除指令悉查籌設苗圃培植森林及嚴加保護各節述經本署飭屬遵照在案茲據呈各情衡陽道立苗圃土質肥沃過甚且面積不廣換地分植無擴張之餘地可否改作培桑之

用另於對河八方嶺地方開治苗圃候令飭衡陽道尹酌籌辦理

至嶽麓野燒各節殊堪痛恨并候令飭長沙縣知事暨森林培秧

局認真保護由縣嚴查究辦以徵效尤而維林業除分令外仰即

遵照此令印發並分令外合行令仰知事即便遵照辦理具報查

道尹  
經理

核此令(四月二十八日)

●湖南省長公署令湘陰縣知事

案據省河義渡局董事陳有林等呈稱緣本年四月七日據佃戶余有坤周伏生等來局報告有地痞妄春生曾吉華孫冬林等掘圳決水特黨阻耕其勢洶洶幾釀械鬪業經呈飭縣迅拘究辦沐批開呈粘并悉該局公產既早經縣署委勘出示刊碑有案晏春生等恃強阻耕殊爲不法仰湘陰縣知事即便查究辦理具報

案據劉馥芹等以暴徒藐法擅掘垸堤結黨橫行閩邑惶恐等情具呈到署除批呈悉此案前據李瀛洲等具呈當分令水利分局湘陰縣知事查明聲復核奪在案茲據呈批令布到暴徒糾衆持械鏟掘普安北堤垸民與之理論幾受殺傷又稱有周先塘易介福等在縣署具呈自認刨毀不諱等情周先塘等不候查明輒敢刨毀所呈如果非虛殊屬贗玩仰候分令該局縣查究具報一面遵照前令逐一呈復以憑核奪此批等因牌示並分令外合行令仰該局長即便遵批辦理此令(四月二十八日)

●湖南省長公署令財政廳

案據常德縣知事殷廷鴻謙電內稱屬縣東官堤補修一案業奉令准借與給各五千串因抵押一項尙無的品往復籌商致費時日現值春水甚漲晴少雨多堤脚已虛潰決堪虞飭監修委員星馳下縣並懇電飭常德湖南銀行就近先撥款五千串以應急需其餘之五千串再行備文請領事機迫切伏祈電示祇遵等情據此除由本署委任文允赴常監修外所有撥款事項合行令仰該廳即便核飭遵照此令(四月二十八日)

●湖南省長公署令湘礦運銷公司

具呈經批縣查究在案茲據呈晏春生等復奪去耕牛不許耕耘

等情殊爲贗玩現屆分秧期近合面令仰該知事即便迅速按照來呈嚴查究辦具報核奪毋延此令(四月二十八日)

●湖南省長公署令湘陰知事  
水利分局

第

二

五

附

案准 湖北省長公署咨開案准貴公署咨開據湘礦運銷公司經理蕭仲祁協理章克恭呈稱竊照本公司採鍊硫磺運銷出口事宜前已呈奉鈞署會同督軍公署咨明湖北督軍兼省長令縣保護並委任許繼煥廖樹勳前往商辦在案現在福建浙江安徽等省均以需礦應用各有電函來湘所有鍊運礦業已預備漢口之分公司組設在即所用圖記文曰湘礦運銷總公司駐漢分處之管理合幕呈備案並懇鈞署咨請湖北省長分令夏口廳漢陽縣武漢水陸各警察廳署出示曉諭各商民一體周知深爲公便特情據此除指令外相應咨達請煩轉令施行等因到署查

湖北硫磺事務業於民國五年二月劃歸湖北督軍公署辦理在案准咨前因除轉咨湖北督軍公署查核辦理外相應咨請貴公署以後關於湘礦運銷事宜卽希逕咨湖北督軍公署協商辦理以期直捷實紳公誼等因准此合行令仰該公司卽便知照此令

(四月二十八日)

●湖南省長公署令

臨武縣知事  
嘉禾縣

案據會呈請獎臨嘉商會會長王式芬副會長周肇願等一案當經本署令行財政廳查明去後茲據該廳復稱查湘泰公司民國元年三月間有歐榮熊飛王式芬等在前實業司呈請試探臨武城砂坪鋪鉛礦民國四年八月更名爲湘泰裕公司推陳少林爲

代表歐榮王式芬等連署當由前廳長嚴呈請 農商部發給探鑄執照旋因審查鑄區面積不合未准給照本廳遵飭臨武縣知事查勘並令陳商少林聲復在案迄未據呈到廳惟本廳以該公司既經呈部業予發給運砂護照計納鑄產稅額約在二千元以上而原名湘泰及王式芬周肇願並無繳納產稅之事此遵查湘泰公司之實情也至於利通公司民國三年十一月間有戴芑蓀呈請實業司在臨武香花嶺茶山清明山等處試探鉛鑄民國三年更名爲裕寶興民國五年又更名爲裕湘其代表裕寶興者則唐能軒代表裕湘者則孫涵藻利通之名久經消滅亦無王式芬周肇願連署暨繳納鑄產稅之事此又遵查利通公司之情形也緣奉前因理合將查得情形呈請鈞署察核謹呈等情據此查閱呈復湘泰利通兩公司情形核與原呈所稱集資開辦著有成效每年稅額實在二千元以上等語畧有不符除分令外合行令仰該知事知照此令(四月二十八日)

●湖南省長公署令

南縣知事  
岳陽釐局

案據長沙余芾蘭以誘買強奪怨恩追還而保主權等情具呈到署除批呈悉前據具呈業經令飭南縣知事查案勘判具復核奪在案茲據稱歐陽弁元將該民等未頂之業全行佔去應收之租全行強奪是否屬實仰候令飭南縣新任楊知事查照前令秉公查復並候令飭岳陽釐局局長歐陽弁元據實呈明以憑核奪此

批牌示並分令外合行令仰該知事局長卽便查復核奪此令（四二十六日）

### ●湖南省長公署令勸工場

前據該場長呈請令飭警察廳轉行等署每日巡派得力巡警二名偵探一名輪川駐場協同彈壓一案當經令飭警察廳去後茲據該廳復稱查該場爲防範扒竊維持秩序起見稟請鈞署令由職廳遴派巡警二名偵探一名輪川駐場以資保護事關公益原應遵辦惟職廳經費人數均已編定既難泛應請求亦實不敷分佈勸工場如果認爲常川必要擬請令飭查照職廳請願巡警章程按月繳費以便從新支配不致增加例外經費至該場每逢加彩貿易之時向由職廳加派臨時警探多名前往護衛合併聲明緣奉前因理合具文呈請察核飭遵深爲公便等情除指令外合行令仰該場長卽便知照此令（四月二十七日）

### ●湖南省長公署令查辦瑤岡仙鑛案委員朱樹欣

前據資興縣知事唐虞電稱據瑤岡警所報稱本月十三日有郴縣楂樹下之劉茂林劉茂財黃柱泰李告化及宜章長策之歐受受等統率百餘人在裕厚鑛區強採不服彈壓獲送各縣懲辦詎痞等挾仇於是夜匪徒黃金魯黃上湘劉富富劉丙泰等督率三百餘人攜帶鳥槍刀杖圍攻警所殺傷警士方得玉蔣聲純二名

湖南政報

掠去魯嘉孚一名放火燒燬棚廠公文銀物搶刦一空奪取警士李桂林槍枝彈藥該警不得已開槍擊斃匪徒一名傷三名始行脫險該知事屢勘屬實請電飭郴宜兩縣知事派兵嚴擊匪徒歸案嚴辦等情經本署電飭宜章郴縣各知事派兵協擊歸案究辦其中究係如何實情非派員前往實地查明難得真相查該員堪以派往查辦除分電郴宜資三縣知事知照外合行委任爲此令仰該員卽便束裝馳赴瑤岡仙地方查明確情詳實具報以憑核辦再瑤岡仙地方稱係三縣公山如何分界併卽會縣查案劃定以杜爭執此令（四月二十七日）

### ●湖南省長公署令委勸工場場長兼第二勸工場籌備員

案因本署爲促進工商業之發達起見計畫建築第二勸工場地點須擇適宜之處原有勸工場設在白馬巷距離南城較近現在設置地方應接近北城查有左局房屋地基堪以改建第二勸工場係屬營產業經咨請軍署飭撥應卽一面派員籌辦該場長熟悉商情應飭兼任第二勸工場籌辦員不另支薪合行委任仰卽先赴營產經理處面與接洽並將建場招商一應事宜妥爲規畫隨時呈明核辦此令（四月二十六日）

### ●湖南省長公署令監視礦業講習所投

## 標委員楊燮

案據蠶業講習所所長向呈稱案奉鈞署實字第一千一百六十七號令開呈件均悉該所建築講堂織絲室應按照泥木行估單數目再加核減招工投標仰速將擬定數目及投標日期呈報本署查核並候派員監視可也此令等因奉此所長遵卽繪成圖式再三核實估算除定期五月二日招工投標外理合將圖式及估計書備文呈請鈞署查核派員監視以便卽日興工無任學便等情據此除指令外各行委任該員卽便屆時前往監視投標具報查核此令(四月二十八日)

## ●湖南省長公署令財政廳

呈轉報湖南銀行整理瑞和公當情形請核示由

呈悉准如呈備案此令(四月二十六日)

附原呈

呈爲轉報湖南銀行整理瑞和公當情形仰祈核示事前奉鈞署訓令案據漢壽縣民蕭子芬呈官當腐敗公怨整頓等情查所呈固係一面之詞未可盡信但就呈中所稱該官當第五第六兩年紅利比較從前由二萬餘串驟減至二千餘串及該官當濫加員役增多耗費等事卽屬經理不善之證仰該廳派員查明是否屬實該官當經理有無舞弊情事並妥籌善後整理方法呈候該廳核辦並將辦理情形呈復等因奉此遵卽

督同湖南銀行總協理等查核蕭子芬等原呈對於該公當經理王以宣指摘頗多自應另委妥員接辦比由該銀行擬定將該典經理改爲總管事下設內管事秉承總管事處理營業事務其外管事卽行裁撤遴委向忠勛爲該公當總管事飭往接收並令查明王以宣被控各節暨妥籌善後整理辦法去後旋據呈復前來據稱原控頗多失實如所稱歷年紅利遞減一節查該典爲救濟貧民而設所當多係粗用之品與通都大邑典肆情形不同故年荒則當物多而息利贏年豐則當物少而息利細連年湘水不溢該縣收成豐稔民力頗足實爲遞減之原因上年重兵壓境往往結夥強持槍恐嚇王以宣邀請軍官來典彈壓牌賭筵宴在當時幾成慣例此後亦所難免殆爲時勢所迫無可如何至謂濫加員役或出有因商務本非所長且年逾六十照料難周不能曲爲之諱旣經撤換應卽免予置議至該總管事接辦之後查明該公當尙有巨額欠款未經收回現已分別催取並酌裁員役減薪水關於內部規則取締加嚴薪工則按時發給不准掛欠長支職掌則依事考勤不准嬉游嫖賭至於與本放債亦規定以二分五釐爲率且非確實可靠之戶不放以絕濫借滋放之弊此係從積弊之深者大者著手整理本廳仍當督飭該銀行責成該總管事將一切善後事宜隨時認真舉辦以重公款而便人民所有奉查漢壽瑞和公

典經理被控一案暨現已撤換整理各緣由理合呈復 鈞署

查核備案謹呈

湖

南

政

●湖南省長公署令水利分局

呈爲扦劃常德安鄉兩縣縣界由

呈件均悉該局與錢委員查勘安常界綫一案安鄉之證據除各志外無他根據常德之證據有常安兩縣分界之大範圍陽城村東北境之大範圍陽城村洲四圍之證據常德縣舊澧水村併入陽城村之證據常德撥隸兩縣各垸之證據並其他各項案件該局長等以志書係謬誤相沿領土應歸常德查核根據理由甚爲正當證以前此黃委員序鴻查勘復文亦稱陽城村地方當屬常德考證均屬相同該局長等擬將該處劃分段落以泥灣晚潮洲柳洲柳尾家嘴鍾家山陳家嘴竹山坡河堰埂等處撥歸常德以赫葉坪連刀灣等處撥歸安鄉猶不免爲調停之計查各縣劃分界址原爲俾便管轄與人民產權本無妨礙該處人民爭訟紛糾目的純在承墾淤荒該陽城村既應歸常德管轄應即如所擬界線劃歸常管其中淤荒准如擬將東成康成等垸外餘荒除去堤腳溝底三弓外由東至西一萬畝提歸公有候由本署酌定公用辦法其餘淤地即由該局長會縣調齊該處照據分別扦劃在案仰卽檢同管業證據呈候該分局查明核辦可也

如有餘畝不論縣籍均准承租常德既復其固有之區域安鄉業民亦不致喪失權利辦法持平該兩縣人民不得再事爭執除分

令安常兩縣知事佈告知照外仰卽遵照辦理仍於事竣具報查考並轉函錢委員知照此令責件存(四月二十六日)

●湖南省長公署令製絲工場

呈請頒發鈐記由

呈悉應准改刊木質鈐記一顆文曰湖南範模製絲工場鈐記茲隨文發下仰卽領收仍將啓用日期報查此令(四月二十六日)

●湖南省長公署令沅江縣知事

呈請頒發商會鈐記由

呈悉該縣商會鈐記公費據稱前已呈賣取有本署收發處收據等語茲查詢收發處人員稱鈐記公費係譚前知事派員到省時送署當由收發處發給收條稱呈文章章程歷各件另由郵局呈遞今事隔兩月之久本署並未收到呈件是否中途遺失抑有他種原因仰卽查明具報以憑核辦此令(四月二十六日)

●湖南省長公署批常德王士敦等

呈載保善等串團驅掠招彪踞佔迫懇究杜由

呈悉查此案業經本署核定縣界並飭水利分局會縣調齊照據分別扦劃在案仰卽檢同管業證據呈候該分局查明核辦可也此批(四月二十六日)

●湖南省長公署批南縣李永棟等

呈公怨飭分定界以免紛爭由

第

二

十

五

冊

悉湖淤管業應以領照先後爲憑據稱沅江縣新護官垸南河

堤外新淤洲土一片與南縣鎮東障田界毗連兩縣人民因管業

時起爭端究竟該新淤洲土面積若干畝已否發照至稱縣界不

清管業上因之屢起爭執查劃分縣界俾便管轄與人民產業權本無妨礙沅江縣湖南銀行工程局局長郭家鯤何致無端越管南縣鎮東障之田畝其中有無虛捏情事仰水利分局查明具復以憑核奪副呈批發(四月二十六日)

### ●湖南省長公署批蘇長富等

呈黎停熟沒股款虛懸羣怨回復原狀由

悉前據廣壽山等呈租黎慈利北山等處租課加重力不能勝等情經令縣查復在案該民前此開辦西北路墾植公司如何取消該處已墾之畝經縣收入當有取得之理由現請發還有無案礙難行之處仰慈利縣知事併案查明具復以憑核奪副呈批發(四月二十六日)

### ●湖南省長公署批沅州阜豐磁業公司

呈報遵令填造結算報告表暨所擬現時辦法請核示由

呈件均悉該公司擬停辦細磁暫仿醴陵瀉山辦法專造普通家常用品自係爲俾易行銷起見仰自斟酌現情妥爲辦理各商店錢號發行紙幣久經禁止該公司請酌出相當紙幣未便照准至請補助公款交議一節前據財政廳議復經本署令飭毋庸置議

在案併仰自籌的款繼續進行可也此批圖表存查(四月二十

六日)

### ●湖南省長公署批新化曾傑

呈懇飭新化知事派隊查封鑛山並依法回復印契效力由

悉此案前據該縣知事呈稱該縣遵路鄉三尖峰大乘山其中小地名甚夥向歸劉紹孫易興輝兩姓插標管業並無經界可正嗣易興輝後裔易良筭易純學等將該管山地部分內數處分賣

與曾仲興曾社齋文德敷等管業發生控案前知事程作霖將曾姓印契塗銷於是易劉兩姓見鑛苗發現遂將該山割裂零星出售現在萬金大利興利各公司所爭鑛地多係昔日曾姓契內同一名稱地點輾轉拌賣糾葛紛乘該知事以該處鑛業公司控案現正爭訟未休若遽將曾姓印契發還於全體公司大有妨害若不平反於該山箇人權利未免向隅擬將各該公司名義一律取消合羣力組織一大公司視山價之多寡窿口之衰旺定股分之

等差享相當之利益經本署令准加委王聲搏會縣傳集各當事人極力開導妥協具報嗣因易純宣與文德敷等該處互爭鑛權訟案經高等審判廳受理是內部尙在訴訟進行中因電飭委員回省銷差各在案該民契據確鑿自應准予發還惟該山公司甚多內容複雜前此各鑛業公司訟案已否訊判現在應否仍勸令組織大公司以斬葛藤之處仰新化縣知事迅速查明辦理具覆

核奪副呈批發(四月二十七日)

●湖南省長公署批益陽胡業儲等

呈前控安鄉知事夥索分肥各情一案懸調案以杜謬復由呈悉此案業據安鄉縣知事呈復到署忠濟巴垸地點在豐成垸之南堤外係周張兩姓之業劉海蟾買歸已有創修該垸豐成垸迭與啓衅該知事判將忠濟垸田土概歸豐成垸內同人一律承受稍償劉海蟾損失每畝作價一十六串共錢九千六百串取具兩造甘結及豐成垸黃鶴林等承受股分票揮乃事後黃鶴林反串該業夥等捏詞具控殊屬不合案關高審廳令縣更審之件該民如實有不服應即依法上訴所請本署令縣解卷之處應無庸議此批(四月二十七日)



●長沙關輸出物品報告表

第三百五十一號

# 司法

湖

南

報

政

## ●湖南省長公署咨 廣東督軍

省長

爲咨請事案據江華縣知事胡咸林呈稱本年四月二日案據縣屬錦田團保衛局紳汪良培呈稱爲申報事竊縣屬永靖團白石山地處界連粵東與粵東連山禾洞之地相連於本年陰曆閏二月初八日卯刻被粵匪五十餘名各執槍械蜂擁圍刦羅思仲羅盛波莫慶月等二十餘家刦去耕牛十四隻殺去家豬六隻擄去被蓋十五張掠去鷄鴨不計其數又捉去團民莫積友莫慶才草榮雨黃光達父子共五人負擔而去該總團馮永江楊奇達謝瑞山等聞警集團追捕該匪由筋竹園地方逃遁該團總馮永江等并失主羅思仲等將被搶刦實情具報來局紳等聞警之下卽飭什長易桂生督率小隊前往看明被刦情形均稱目覩心傷與該團總所報無異理合備文申報憲台拯救以保民生施行須至申報者等情前來據此知事一面飛咨鄰封及駐江防營協同躡緝並請其查起本案被擄各人口一面率隊馳詣被刦之白石山勘驗勘得該處住民約數十家犬牙而居距縣城二百五十里許與廣東連山縣禾洞坪地方相距連其搶刦家數及被擄人口悉與該局紳等呈報無異查此次搶刦各匪皆係廣東連山縣人嗣經該納等集團追捕其匪均由筋竹園引去一入粵境如虎莫擋

匪勢猖獗職此之由知事接任以來清理前任移交各匪案卷宗以往而不籌補偏救弊之方法則匪盜不時出入滋害何堪設想除督令營警務將本案匪犯躡獲嚴辦外知事爲善後起見擬請鈞署飛咨粵督及粵省長令飭連山縣知事及該縣駐防營弁無分畛域務須隨時協同防剿庶幾敗類無由潛踪而邊氓於斯安枕所有知事詣勘白石山被粵匪搶刦情形及擬定善後辦法是否有當除呈報高等審判廳及高等檢察廳外理合備文呈請俯賜察核施行除指令呈悉匪徒越境抄擄多至二十餘家若不嚴拏懲辦邊氓何以安枕除據情咨會 廣東督軍 分飭連山縣知事及駐防軍隊隨時協商防緝外仰卽督同營警務將本案匪犯設法躡緝依限破獲訊明從嚴懲辦切切此令并分咨外相應備文咨請 貴省長督軍查照轉飭連山縣駐防軍隊一體協緝此案匪徒務獲解究以後遇有匪警並宜無分畛域隨時協商防剿以安邊圉此咨(四月二十七日)

## ●湖南省長公署令辰沅道尹

案據麻陽縣大馬約保衛分團總張盛唐姚藍約保衛分團總張盛玲保董張玉卿向祖堯張紀安甲長聶志亨王連捷張盛泮張嗣富張盛琪張祖樞等呈稱麻地界連黔省匪虐甚酷而於團總等區內爲尤甚前當民國四年冬黔湘匪狂淫擄搶燒殺無日休

第

二

十

五

冊

息得張祖恆充當保衛總團總捕禦得力匪徒方息適值南北戰事匪復嘯聚千餘人之多田畝無人耕種人民無地逃生而張祖恆復於停戰時以團勇三百人掃匪幾盡經前湯督傳批嘉獎載之政報使田知事能善其後權不下移匪徒何能復熾乃不但不能善後反將擊獲之匪故縱出外致匪膽愈大而被搶者多不報案謂報案無益反結匪仇即猶匪有錢即放今試舉團總等所知實事爲我省長一一陳之團民唐萬涵向耀芹向祖良等多戶被搶指控唐增貴張毛毛等在案又有唐文德等兄弟水姪前後被搶五次並殺傷事主亦指控唐增貴在案又有張灘林被搶指控唐增貴頭名而貴與毛均經擊獲田知事竟聽信田宗炎術等先將唐增貴一名故藉病名假釋織將張毛毛釋放任事主迭控不理陰曆二月十七夜有區內分團總田代容被匪圍室搶捉殺斃身不全團總等睹此慘狀不能不心急悲憤思唐增貴行爲素不正當與唐金臣等乘亂搶刦遠近咸知卽張毛毛亦係唐有貴搶案內已辦之蕭白雲伊扯之犯現經十餘戶前後指控又經確案無論如何似不可輕易放縱況查唐萬涵等又未經傳參質訊何得率爾將匪釋放致被搶者視以爲戒相率不敢報案恐匪出復仇甚至劫單力薄者反媚匪自保匪風因此日甚釀而至於報忿懣團即此以推團總田代容之死非匪殺之實田宗炎舞弊當殺之也使長此以往不急求另委賢員恐當團總者將皆不安於

位卽使不能卸責勢必至唯唯諾諾見匪俯首鞠躬而不敢與抗衛也及我麻民兵災方去匪虐又來知事守府科長舞弊田代容一人之死不足深悲誠恐因田代容之被匪殺而影響將有不可言狀者相應備文呈報伏乞核奪等情據此除批據呈該縣匪風甚熾搶刦頻仍近更有仇殺團總之事捕務廢弛已可概見至控縣署科長田宗炎舞弊縱匪田知事何以形同傀儡一任權柄下移一面之詞是否屬實仰候令行辰沅道尹派員澈查據實呈候核奪一面嚴令該縣知事趕將各案盜匪勒緝務獲依法懲辦以靖萑苻此批榜示外合行令仰該道尹卽便遵照辦理此令（四月二十六日）

### ●湖南省長公署令衡陽道道尹

案據祁陽縣知事王應韓呈稱案奉鈞署內字第一一七三號訓令據祁陽縣南區公民王近古等稟土匪成巢密組速飭零陵鎮守使提兵勦除一案飭卽迅將所指各節確切查明分別拏辦以安良懦而靖地方并仰將辦理此案及會勦情形呈復核奪等因奉此知事伏查此案本年二月一日據縣民王近古等以蜂匪輸知公懇擬辦除安民等情具稟前來當卽委派警備隊排長陳文輝督率隊勇前往白竹江青石江小木源及黃沙灘一帶地方嚴查巡緝去後旋據該排長在小園裏地方緝獲匪首李奇秀當報忿懣團即此以推團總田代容之死非匪殺之實田宗炎舞弊當殺之也使長此以往不急求另委賢員恐當團總者將皆不安於

人入會散給飄布等情不諱因該地五戶團紳王積慶王德顯王廷臣王英星郭秋華張德心陳大文周槐林周桂林劉長卿周完真張明興等連名出具切結懇請卽行就地正法以塞匪賊經該排長會同該紳等提該犯李奇秀在該處山河口就地正法訖餘匪聞風皆已潛逃無踪該排長在此駐紮二十餘日地境一律肅清報由知事查明屬實正擬呈報適奉訓令前因知事隨又委派隊長朱文安前往該地查辦去後旋據該隊長復稱隊長於三月十七日奉令督率隊兵馳赴大江邊小河口白竹江花筵江火燒江一帶地方次第切實調查并集該處團總王近古周熙瑞等詢悉近狀僉謂境內自警備隊排長陳文輝率兵辦理并將匪首李奇秀正法後日來漸次安寧且現有湘南護國軍文連長若日率兵二連分防該地等處幸匪風日消人民安堵除向該團總等取具切結有匪隨時上報外所有奉查大江邊等處匪跡情形理合申匪首李奇秀所放飄布據供尙有廣西匪首申桂屏及劉紅甫等如不糾拏嚴辦誠恐誘入者多知事現正遴派隊伍箇緝茲將搜獲李奇秀飄布連同匪首名單呈核應請鈞署咨明廣西省長并通飭南路各縣一體協緝務獲究辦抑知事更有請者查警備隊之設原所以保衛地方應於各縣境內擇要駐紮庶足以壯聲威而消隱患如屬縣大江邊一帶有兵駐守卽形安堵此爲明證知

事到任卽將警備隊擇要分防數月以來尙形安謐惟槍枝前雖請領三十枝下縣仍屬不敷分布現值零陵鎮守使軍隊裁減可否由鈞署飭由鎮部核撥新式快槍五十枝鋼子五千顆之處伏候酌裁所有遵令查辦大江邊一帶匪患情形理合具文呈請鈞署察核示遵等情據此除指令呈及賣件均悉捕獲盜匪非依法定程序呈候核准不得擅殺迭經通令遵照在案該縣警備隊排長陳文輝緝獲匪首李奇秀并不解縣審辦輒徇團紳王積慶等請求擅自處決實屬妄謬已極該知事事後不予查究亦殊顚頑惟當時有無懲治盜匪法施行法第四條緊急情形仰再確切查明據實呈復以憑核辦供出匪首申桂屏等候卽咨請廣西省長及令衡陽道尹通飭南路各縣知事一體協緝務究辦以茲根株至該縣原領槍枝三十枝已足應用所請另飭鎮署撥發之處應毋庸議此令發行時咨請廣西省長飭屬協緝外合行令仰該道尹卽便遵照辦理此令(四月二十六日)

## 計 單

申桂屏廣西人係來湘放飄者

劉紅甫係山河館館主

鄧其堯係匪內頭目

## ●湖南省長公署令芷江縣知事

呈覆前商會會長王麟書呈訴傅前知事濫權違法等情

一案由

據呈已悉傳前知事因王麟書有虧挪經理兌換處款目嫌疑將其暫交看管嗣經派員點驗存款無虧卽予釋出自與違法監禁者有間惟隊兵一面之詞是否當日事實仰再詳確查明呈候核奪此令(四月二十八日)

### ●湖南省長公署令東安縣知事

呈報盜犯唐方開因被團紳綑送中途畏罪脫逃自溺身死及

唐方賢捏詞妄控各情形由

據呈已悉唐方開如果因盜牽向順武耕牛經團衆捕送中途畏罪脫逃自溺身死自屬與人無尤唐方賢捏情誣訴及與唐祖武等設立台公會斂賛聚衆強牽牛隻均屬不法仰卽勒拘唐祖武等務發提同唐方賢審定確供依法判辦並將所立台公會勒令解散督飭團保從嚴禁絕毋使滋蔓致長盜風切切此令(四月二十八日)

### ●湖南高等審判廳佈告

案查湘省徵收訟費因銀兩市價漲落懸殊經藩前廳長請將各

級審判廳試辦章程規定銀兩改爲銀圓擬定民事訟費徵收細則詳奉司法部批准實行在案查該細則第五條凡民事非因財產而起訴者照百圓以下之數目徵收訴訟費用行之數年諸多不便擬將該條修正改爲凡民事非因財產而起訴者照原章

第八十八條徵收銀三兩每銀一兩折收銀圓一圓五角等情呈奉司法部指令照准茲定於本年六月一日實行自實行之日起凡民事非因財產而起訴者每案徵收原額訟費銀三兩折合銀圓四圓五角並照湘省加徵訟費成案加收四成訟費銀一兩二錢折合銀圓一圓八角兩共徵收銀四兩二錢折合銀圓六圓三角除通令外合行布告訴訟人等一體遵照特此布告(四月二十七日)

二錢折合銀圓一圓八角兩共徵收銀四兩二錢折合銀圓六圓三角除通令外合行布告訴訟人等一體遵照特此布告(四月二十七日)

●湖南高等審判廳民庭公開及書面審理案件日時通告

本廳民庭四月三十日午後一時公開及書面審理案件如左

- 一鄒壽熙與鄒德藩因譖謗涉訟糾葛不服第一審判決聲明控告一案(公開審理)
- 一謝桂秋與謝陳民因繼承涉訟糾葛不服第一審判決聲明控告一案(公開審理)
- 一孫李氏與孫陳氏因繼承涉訟糾葛不服第一審判決聲明控告一案(公開審理)
- 一劉雲門與任粹卿因債務糾葛不服第一審判決聲明控告一案(公開審理)

湖 南 政 府 裁 判 告 白

告一案(公開審理)

本廳民庭五月二日午後一時公開及書面審理案件如左

一劉漢臣與劉克俊因修譜糾葛不服第一審判決聲明控告一案(公開審理)

告一案(公開審理)

一孫淑陶與胡拔卿因債務糾葛不服第一審判決聲明控告一案(公開審理)

一僧靜安與僧澄源因錢債糾葛不服第一審判決聲明控告一案(公開審理)

一僧靜安與僧澄源因錢債糾葛不服第一審判決聲明控告一案(公開審理)

一僧靜安與僧澄源因錢債糾葛不服第一審判決聲明控告一案(公開審理)

一僧靜安與僧澄源因錢債糾葛不服第一審判決聲明控告一案(公開審理)

一龍仲興與羅愛吾因買賣田產糾葛不服第一審判決聲明控告一案(公開審理)

一熊春興與譚有耕因債務糾葛不服第一審判決聲明控告一案(公開審理)

一李春溪與李兆麟因債務糾葛不服第一審判決聲明控告一案(公開審理)

一邱蓮生與邱葭生因繼承糾葛不服第一審判決聲明控告一案(公開審理)

一羅敦厚與楊紹震因湖田糾葛不服第一審判決聲明控告一案(公開審理)

一彭公才與彭晴川因公產糾葛不服第一審判決聲明控告一案(公開審理)

告一案(公開審理)

本廳民庭五月三日午後一時公開及書面審理案件如左

一汪石林與汪友生因家產糾葛不服第一審判決聲明控告一案(公開審理)

一汪石林與汪友生因家產糾葛不服第一審判決聲明控告一案(公開審理)



# 財政

湖

南

政

報

## ●湖南省長公署令財政廳

案准 財政部咨開查本部財政會議議決推行國幣辦法一案  
事關幣制至為重要亟應從速實行除分別咨令外相應鈔錄該  
項議決辦法咨請查照并轉飭所屬各徵收機關一體遵辦并盼  
見復以憑備案此咨等因并附鈔件到署准此合行轉錄鈔件令  
發該廳仰卽照印多份轉飭所屬各徵收機關一體遵照辦理此  
令(四月二十六日)

民國六年財政部財政會議議決推行國幣辦法

(甲)本部直轄及各省財政廳財政分廳所屬各徵收機關(各縣知事公署包括在內)一切稅項均應以國幣計算稅率

(戊)銀圓足用地方征收機關不得收用生銀若通用銀圓為數不多時生銀亦應限制收用

(己)征收機關不得收受外國鈔票至外國銀圓非不得已時亦不得收受

(庚)征收人員如違背國幣條例由主管長官遵照國幣條例施行細則辦理如有失察等情事應負連帶責任

## ●湖南省長公署令造幣分廠

呈續提磅餘報請察核由

(丙)徵收機關無論在新輔幣已未發行之區域(新輔幣未發行地方時有流入之事故并及之)凡人民以新銀銅輔幣納稅者應恪遵國幣條例一律收用其新主幣與新輔幣

新輔幣與新主幣互相兌換時均按照十進計算不得絲毫折扣或故意挑剔至舊式大銀圓銀角銅元制錢等與新銀銅輔幣折換時均應按照各該舊幣與壹圓新主幣之兌換市價辦理徵收官及人民均不得以各項舊幣與新主輔幣十進之法相牽混致啟爭執

(丁)新輔幣之發行及兌換事宜均由中國銀行經理之各種新銀銅輔幣征收機關之收受中國銀行之兌換應遵照國幣條例第六條之規定不加限制

(乙)壹圓新主幣通行省分徵收稅款應以該項主幣為本位該項主幣數多地方應專收該項主幣及代表該項主幣之鈔票該項主幣數少地方得搭收舊銀圓銀角銅圓制錢等均照市價折合新主幣

(丙)徵收機關無論在新輔幣已未發行之區域(新輔幣未發行地方時有流入之事故并及之)凡人民以新銀銅輔幣納稅者應恪遵國幣條例一律收用其新主幣與新輔幣

新輔幣與新主幣互相兌換時均按照十進計算不得絲毫折扣或故意挑剔至舊式大銀圓銀角銅元制錢等與新銀銅輔幣折換時均應按照各該舊幣與壹圓新主幣之兌換市價辦理徵收官及人民均不得以各項舊幣與新主輔幣十進之法相牽混致啟爭執

(丁)新輔幣之發行及兌換事宜均由中國銀行經理之各種新銀銅輔幣征收機關之收受中國銀行之兌換應遵照國幣條例第六條之規定不加限制

(戊)銀圓足用地方征收機關不得收用生銀若通用銀圓為數不多時生銀亦應限制收用

(己)征收機關不得收受外國鈔票至外國銀圓非不得已時亦不得收受

(庚)征收人員如違背國幣條例由主管長官遵照國幣條例施行細則辦理如有失察等情事應負連帶責任

新輔幣與新主幣互相兌換時均按照十進計算不得絲毫折扣或故意挑剔至舊式大銀圓銀角銅元制錢等與新銀銅輔幣折換時均應按照各該舊幣與壹圓新主幣之兌換市價辦理徵收官及人民均不得以各項舊幣與新主輔幣十進之法相牽混致啟爭執

(丁)新輔幣之發行及兌換事宜均由中國銀行經理之各種新銀銅輔幣征收機關之收受中國銀行之兌換應遵照國幣條例第六條之規定不加限制

(戊)銀圓足用地方征收機關不得收用生銀若通用銀圓為數不多時生銀亦應限制收用

(己)征收機關不得收受外國鈔票至外國銀圓非不得已時亦不得收受

(庚)征收人員如違背國幣條例由主管長官遵照國幣條例施行細則辦理如有失察等情事應負連帶責任

●湖南省長公署令臨武縣知事

呈遵令派員檢查印花酌處罰金賣冊請核由

呈冊均悉查印花稅施行日久收入尙形短細皆由經征官吏平時勸導無方及屆檢查又未能予漏稅者以相當處分以致人民玩視法令習慣無從養成據稱該縣等佐此次處罰各商店均係從輕發落未依罰則辦理殊屬不合嗣後續行檢查遇有應貼未貼及貼不足數者並應照章執行毋得稍涉敷衍是為至要此令  
(四月二十八日)

●湖南財政廳令各釐金征收局

寶慶稅關

案奉 財政部令開案准稅務處咨開准農商部咨據達豐染織廠呈稱於民國二年在上海美租界塘山路地方購機設廠染製各色絲光紗線以供本國製造之用並辦新式機器自製各種絲光紗線仿造各種線呢及條格愛國等布無不精美異常茲為便利運銷起見呈請核轉准將商廠出品之絲光紗線及各種絲光線呢條格愛國等布疋一律按照上海振新染織工場等成案完納正稅免予重征以便推銷而維國貨再商廠業呈上海縣公署照例註冊給照公告在案謹檢具絲光紗線及各種條格布疋線呢等樣本各二冊及註冊批示執照一併鈔呈仰祈察核示遵等情並樣本鈔件到部查該染織廠既在上海縣公署註冊給照所請援例完納正稅一道核與成案尙屬相符應檢同原送樣本二

冊咨請核辦見復等因附送樣本二冊前來本處查華商用機器仿製洋式紗線呢布歷經本處核准祇完出口正稅一道給予運單沿途免征稅釐有案前上海達豐染織廠援案聲請經查驗樣本粘呈各品尙與各廠貨樣相埒應准如所請辦理嗣後上海達豐染織廠機製之絲光紗線及各種條格布疋線呢於運銷時應報由江海關查照上海華洋各商廠同樣貨品納稅成案征納出口正稅一道給予運單沿途各關卡驗明單貨相符並無影射夾帶及漏稅等情弊卽予放行不再征收稅釐惟崇文門落地稅不及本年三月三十一日本處核准江海關監督呈請刊行復轉口免重征執照一案內所敍各辦法辦理此係暫行稅法將來或有變通之處該商廠並應一律照辦相應咨行查照轉行遵照等因前來除分令外合亟令仰該廳長查照辦理此令等因奉此除通令外合行令仰該局即便遵照遇有上海達豐染織廠機製之絲光紗線及各種條格布疋線呢等貨經過查驗單貨相符並無夾帶影射及漏稅情事卽予免釐放行此令(四月二十七日)

●湖南財政廳令各釐金局

爲令知事照得各釐局比較按 部頒徵收釐稅考成條例每屆三年應重行更訂一次茲查各局現行比較自三年度七月一日頒行扣至本年六月底止適屆三年期滿而應彙齊各局三四五

湖 南 南 政 報

年度收數重行規定以符 部章除由廳印刷表紙並假定填造  
式樣分行各局外合亟令仰該局長於奉文十日內督飭收支員  
先將三四五年度第一第二兩結收數依式填造賣廳以憑彙核  
一俟五年度屆滿再將第三第四兩結收數繼續造送事關通案  
毋稍玩延切切此令(四月二十七日)

財政



# 外交

◎湖南省長公署令  
交涉員  
警務處 各縣知事

案准 外交部  
陸軍部號電開茲經議定凡德國商民教士等遵照保護  
內務

辦法第五條之規定呈請移居時除教士及中國官署聘任僱用  
之人員外其移居之新居住地應以商埠爲限卽希查照等因准  
此令行令仰該 卽便遵照辦理此令(四月二十七日)

